



Mag. St. Dr.

910325-

-910326 I

THESAURUS

indeficiens.

S I V E :

ACTUS VIRTUTUM

interni,

Ad veram Perfectionem, &

perfectum orationis Donum

consequendum,

viam commonstrantes :

Ex Italico

A. R. P. BLASII PALMÆ

Clerici Regularis Congregationis

Sancti Pauli.

Quibus accessere

Affectus erga Dominum

J E S U M

FRANCISCI BOURGOINEI

Cum Licentia Superiorum

PRAGÆ, Typis Vniuers. Carolo Ferd in Coll:
Soc. IESV, ad S. Clementem Anno 1683.

Ascendam in
PALMAM,
& apprehendam fru-
ctus ejus

Cant. 7. v. 8.



9103267



REVERENDISSIMO
PERILLVSTRI
ET AMPLISSIMO DOMINO
D. HYACINTHO
H O H M A N :

Sacri & Canonici Ordinis
Præmonstratensium
P R Æ L A T O :

Regij Monasterij
Pragæ in Monte S I O N
vulgò Strahoff,

A B B A T I.

Ejusdémque sacri Ordinis
in Regno Bohemiæ,

& ejusdem incorporatis Provincijs
VICARIO GENERALI,

ac
VISITATORI

perpetuo :

Sac:

SAC: CÆS: MAIESTATIS
CONSILIARIO, &c. &c.

*Cum SSS. Tribus Regibus,
HUMANO DEO
Thesuros suos aperientibus,
Hunc*

Indeficientem Affectuum
T H E S A U R U M;
E T P A C T A
H A G I O P H I L Æ

Cum Filio DEI incarnato;

Affectu submississimo
I N S T R E N A M
D. DD. Cq;

Obsequendi Studiosissima

*Typographia Academica
Collegij Soc: IESV ad
& Clementem.*

PRÆ.

PRÆFATIO

AD LECTOREM.



Homo Christianus, ex vocatione sua, debet semper quærere conjunctionem, cum ultimo suo fine, qui est DEUS, & ei, quantum potest, unire animam suam. Ad hoc faciendum, ut S. Dionysius Arcopagita dicit, compendiosus, & facillimus modus, ac via est, si anima fidelis continue, per inflammatas aspirationes, & frequentes amoris actus, affectus, ac desideria, assurgat in DEUM; interno affectu ad ipsum aspirando, cum ipso colloquendo, tractando: & ei denique corde puro, & inflammato, desideret inharere. Hæc, eodem Doctore, est admirabilis illa, & occulta Sapientia Unitiva, qua sine prævia meditatione, & investigatione omni, trahit affectum amantis sursum, in DEUM; crescitque

extensione affectus in illum ; sese excercens
breui, crebra, & ardente oratione, actusq;
virtutum : ita ut dicere possimus, funda-
mentum perfectionis omnis, praesertim in-
terna, contineri certis quibusdam actibus,
& motibus animi, erga DEUM & proxi-
mum; quos hic per modum orationum pro-
posui. Ubi tamen cavendum est, ne, qui
illas usurpat, ullum votum, aut promissio-
nem facere intendat, qua vim habeat obli-
gandi sub novo praecepto ; sed tantum per
modum libera oblationis, & devotionis eos
actus exerceat : certus, quò sepius id est fa-
cturus, tantò se majus lucrum inde captu-
rum ; cum spe non vana, brevi exsolvendi
se omni amore terreno ; & uniendi se to-
tus ei, qui solus summus, & verè bonus
est, DEO.

Quod ut rectius fiat, ipsis actibus
praemissi protestationem, quà anima, coram
DEO concipit rectam intentionem, & Vo-
luntatem confirmat, ut, spretis omni-
bus alijs, querat solus DEI
gloriam, & obsequium.



SYLLABUS

Sanctorum Affectuum
hòc Libello contentorum.

Affectus Adorationis	-	Fol:	-	5.
Agnitionis sui ipsius	-	-	-	45.
Amoris DEI & proximi	-	-	-	7.
Aspirationis ad DEUM	-	-	-	42.
Castimoniae	-	-	-	37.
Compassivæ charitatis	-	-	-	45.
Complacentiæ in bono proximi	-	-	-	43.
Compunctionis, & odij pec:	-	-	-	28.
Delectationis in DEO	-	-	-	20.
Fœderis cum DEO initi	-	-	-	71.
Fidei divinæ	-	-	-	3.
Fiduciæ in DEUM	-	-	-	18.
Gaudij spiritualis	-	-	-	47.
Gratiarum actionis	-	-	-	12.
Gratulationis	-	-	-	10.
Humilitatis	-	-	-	25.
Laudationis	-	-	10. &	47.
Mortificationis	-	-	-	37.
Obedientiæ	-	-	-	40.
	24		Obla-	

Oblationis sui	-	-	-	14.
Paupertatis Evangelicæ	-	-	-	39.
Petitionis	-	-	-	33.
Propositi boni	-	-	-	31.
Resignationis	-	-	-	16.
Spei & confidentiæ	-	-	-	18.
Timoris DEI	-	-	-	24.
Zeli divini honoris	-	-	-	24.
Zeli animarum	-	-	-	ibid.


*Actus præterea diversarum
Virtutum*

*Ex consideratione DEI, ejusque
Attributorum: videlicet,*

DIVINÆ ESSENTIÆ, Fol.	-	50.
Benignitatis fol.	60.	Potentia 53.
Bonitatis	-	56. Providentiæ 63.
Justitiæ	-	68. Sanctitatis 58.
Misericordiæ	-	65. Sapientiæ 54.
DEIq; , tanquam ultimi finis nostri		69.



PURA



PURA INTENTIO,

Sen

Protestatio, operandi pu-
rè pro DEO, sinè omni com-
modo amoris, aut obse-
quij.

*Omne, quodcunque facitis, in verbo,
aut in opere, omnia in Nomine Do-
mini Nostri IESV Christi, facite.
Coloss. 3.*

r.

O Sanctissima, & Individua Trinitas, Pa-
ter, Filius, & Spiritus sanctus, ego mi-
sera, & miserabilis creatura tua, firmo
& constanti proposito, projicio me hodie to-
tum in sanctissimam & justissimam tuam vo-
luntatem; & abnegando me ipsum, pleno cor-
de dico, & protestor. quòd totus velim esse
tuus; ut nec habeam quidquam, nec habere
velim unquam aliud, quàm te solum amare
simpliciter ac purè, sinè meo commodo. Et
fir

firmiter nunc propono, deinceps tuæ Majestati
 ti supremæ servire, & eandem amare, non tan-
 tum ut effugiam pœnas, aut carcerem infer-
 num evitem; neque ut mihi des consolatio-
 nes, aut beatitudinem in altera, aut aliud quid-
 quam desiderabile in hac vita: sed præcipue,
 ut quæram te solum, velim te solum, amem
 te solum, tûque solus mihi sufficias, qui es ve-
 rum, unicûmque complementum omnium.
 Unde me tibi soli dono, & dedico in æternum;
 & firmissimè propono, toto meo corde, & to-
 ta anima mea te amare, tibique servire supra-
 dicta intentione, etiam si viverem sæculis in-
 finitis. Atque sic protestor, sic statuo, sic volo.

II. Si dare vis mihi dulcedines & consolatio-
 nes, sis benedictus: facies enim tanquam
 benignus & amabilis Deus, qualis fuisti sem-
 per, es, & eris: & ego vicissim ago gratias
 infinitas, sicut etiam, si illas mihi dare non
 velis. Contra, si immittere vis mihi pœnas &
 vexationes, iterum bene tibi dico, & infinitas
 gratias ago.

III. In hujus propositi confirmationem,
 nunc testem appello Beatissimam Virginem
 Mariam, Reginam cœlorum, cum omnibus
 Angelis & Sanctis, in cœlo degentibus: quos
 omnes rogo, ut intercedant pro me apud tuam
 Divinam Majestatem; quo meum hoc propo-
 situm te solum purè in omnibus, & nihil aliud
 querendi, crescat, & impleatur. Quare ô mi-
 dulcissime Domine, ad te iterum me conver-

Intentio.

verto, & obsecro, ut digneris acceptare me-
um istud propositum, & dare vires, quibus
valeam illud implere; quia sine te prorsus ni-
hil possum. Et quia me talem agnosco; ideo
ad te recurro, me tibi commendo; totum com-
mitto, & in visceribus misericordiae tuae abs-
condo. Suscipe me igitur, Deus meus; am-
plexare me, spes mea: immuta, & transfor-
ma me in te, per omnia, ô dulcissime Pater.

IV. Hac ipsa intentione & fine, statuo
me exercere in infra scriptis exercitijs, & acti-
bus virtuosis: quos si interdum ore, & opere
explicare satis non potero, nihilominus inten-
do, & nunc propono, corde implere, omni
momento temporis, & semper; maximè in ho-
râ mortis, affectu maximo & excellentissimo;
quo per me, vel aliam quamcunque creatu-
ram fiunt, ac tu ipse scis fieri posse. Et nunc
illos omnes tibi offero, perinde ac si eos ipse e-
licerem: simulque toto corde te rogo, per in-
finitam tuam bonitatem, & misericordiam, ut
eos acceptare digneris, Amen.

Actus Fidei.

Sine fide impossibile est placere DEO.

Hebr. II.

1. **F**ides tanquam fundamentum reliquarum
virtutum, primum inter virtutes Theo-
logicas locum obtinet: & est habitus intelle-
ctus, à Deo infusus, quo fidelis illustratus.

assentitur, atque adhæret ijs, quæ ab ipso Deo, per Ecclesiâ revelata, & proposita sunt. Quod cum ita sit, amplector ego nunc, ô fidelissime, verissime Deus, firmissima & prima Veritas, toto animo, fundamentum hoc fidei: ideoque humillimè in terram prostratus adoro, & veneror te, in cœlo & in terra; & optimo excellentissimoque modo, quo possum, firmissimè profiteor; & ex nunc, & in perpetuum, corde, & ore, omnia credo, quæ dixisti, revelasti, & proposuisti credenda; mediante sancta Ecclesia; præsertim ea, quæ continentur in Symbolo Apostolico: affirmans omnia certissima esse, ut nihil omnino de ipsis possit in dubium revocari,

II. Ideo coram tua divina Majestate, & tota cuncta cœlesti confiteor, & firmissimè protestor, velle me vivere, & mori, in hac veritate. Cupere etiam, ut universus mundus firmissima fide te cognosceret, & confiteretur; & summiopere doleo, quod te non credat, adoret, veneretur, sicut oportet.

III. Quare obsecro te per sanguinem, vitam, & mortem Domini mei Jesu Christi; per merita sanctissimæ ejus Matris, & intercessionem Sanctorum Apostolorum, Discipulorum, Martyrum, Confessorum, & aliorum Sanctorum & Electorum tuorum, velis in me & omnibus hominibus, sanctum istud lumen fidei augere, & in infidelibus illud accendere: ut eò magis omnes te cognoscant, confiteantur,

Adorationis.

adorent, juxta desiderium Sancti tui Prophe-
tæ, cum quo exclamo: *Confiteantur tibi popu-
li DEVS, confiteantur tibi populi omnes:
omnis terra adoret te, & psallat tibi, si opus fuerit.*

IV. Offero sanguinem pro hac fidei veritate, &
confessione. Atque utinam, ô Sanctissima Tri-
nitas, Pater, Fili, & Spiritus sancte, tibi pla-
ceret dare mihi gratiam Martyrij, pro eadem
obeundi: ego me non modò promptissimè,
cum gratia tua, offerrem ad omnia aspera, sed
etiam pro maximo beneficio reputarem, si
multa crudelia, pro tuæ veritatis amore pos-
sem perpeti. Exaudi me dulcissime Jesu.

**Actus Adorationis, ad
SSS. TRINITATEM.**

Dominum DEVM tuum adorabis.

Lucæ 4.

I. **D**EUS infinitæ Majestatis, & magnitudi-
nis, Pater, Filius, & Spiritus sanctus.
Si cultus latriæ, qui tibi soli Deo debetur, est
actus internus simul ac externus, quo rationa-
lis creatura te colit, humiliando se, animo te
adorandi, & profitendi te Deum; ecce ego,
omni illa, qua possum, submissione, & hu-
militate, positus coram tua divina Majestate,
Deus meus, agnosco me creaturam, & opus
ma-

manuum tuarum, à te per omnia dependens;
te univerſorum abſolutum Dominum; digniſ-
ſimum, qui pro tali ab omnibus honoreris, &
proſtratus, inſima cordiali ſubmiſſione humi
adoro, adoratione latræ; & ~~in~~ ^{ſanda abyſſo} mei nihili te
inſinitum me ſubmitto, omnémque reveren-
tiam, & honorem, quem poſſum, exhibeo.

II. Contentus etiam ſum, imò conten-
tiſſimus, nihil eſſe, ac poſſe, niſi à te prove-
niat; imò nollem eſſe, nec aliquid poſſe, ni-
ſi dependenter à te.

III. Ideo invito, & invoco Sanctiſſimam
Virginem, beatos Spiritus, & totam curiam
cœleſtem; imò creaturas univerſas, ut mecum
adorent, venerationem, & agnoſcant tantam
Majeſtatem; & jam nunc cum illis, te adoro
& agnoſco; imò iſto meo actu omnes alias
adorationes, alios cultus, quibus hætenus af-
fectus es, & quibus affici te conveniebat; o-
mnes, inquam, eos cultus uno fasciculo com-
prehenſos, & colligatos, tibi offero, & dedico.

IV. Tandem, ô Deus meus, conſecro tibi
omnia, quia es abſolutus Dominus univerſo-
rum; ſingulariter autem omnes meas cogita-
tiones, verba, & opera tam interna, quàm ex-
terna tibi offero, & conſecro; illud unum ſup-
plicans, ut in me perfectiſſimè impleatur ama-
bilis tua voluntas, quâ me creâſti & vocâ-
ſti ad tibi ſerviendum, Amen.

Actus amoris erga DE- um, & proximum.

Diliges Dominum Deum tuum ex toto corde tuo. Luca 10.

I. **A** Mor tuus Domine, tantæ est nobilitatis & excellentiæ, ut omnes Beati, & omnes res creatæ, quæque creari possunt, præstantius nihil unquam possint agere, quàm ut te diligant. Et quia actus amoris est, bene vel le rei amata, & gaudere de bono, quod habet; ei que optare, quod non habet: hinc est, ut & ego desiderans exercere hunc excellentissimum actum, amorosissime, amabilissime Deus ac Domine, summè gaudeam, mihi complaceam, tibi que congratuler, de tuis infinitis perfectionibus & attributis, quod solus tu sis, qui es & summum bonum; sis que Deus inscrutabilis & immensus, qui comprehendi non possis, neque satis ab ulla creatura cognosci. —

II. Gratulor tibi tantam tuam super nos & super omnia potestatem, gloriam, dominationem, imperium; & quod hæc habeas à te ipso. Profecto Domine si per impossibile, aliquid ego possiderem, quo tu careres, illud omne tibi libentissimè cederem, & tribuerem: imò si possem esse Deus, nollem, tantum i-deo, ut tu solus esses.

III. Opto quoque, & ex intimo cordis

mei desiderio desidero , ut omnes creature , quæ sunt in cœlo & super terram & omne quod est , invenitur , & inveniri potest , & quodcunque esse , à tuo esse dimanat , honorem tibi exhiberet & obsequia : te laudarent , magnificarent , amarent omnes , inducti sola tua infinita bonitate & excellentia tuæ Majestatis : quia tu solus es omni amore dignissimus. Sed & maximo gaudio me afficit , quod quicquid creature præstare conatur tui amore , id omne longè sit impar tuæ dignitati , & magnitudini.

IV. Et quia tu ex te ipso summæ es amabilis , toto pectore desidero te amare , illa perfectione , quâ te amârunt , amant , & in æternum amaturi sunt omnes Beati. Et hac eadem affectione cordis offero tibi illum splendorem , florémque charitatis , quâ tu te ipsum amas , amâsti , & in æternum es amaturus.

V. Superabundo gaudiô , & infinitas tibi gratias ago , quòd tu ipsemet meum & omnium creaturarum officium suppleas , in amando te ipso. Et hunc ipsum amorem tui ipsius , offero tibi , in gratiarum actionem , pro omni gloria , honore , beatitudine , qua fruëris unâ cum omni illa gloria , honore , laude , quam unanimi consensu omnes beati Spiritus , & omnes justi hujus mundi tibi deferunt. Et in summa ; tuum esse , tuam gloriam , & omne tuum bonum in te ipso cupio , & propter te ipsum.

VI. Et hoc tibi de me certum esse velim,
 O dulcis amor meus, quod tam firma tamque
 constanti voluntate statuerim te diligere, ut e-
 tiam si mihi nihil unquam, neque in hac, neq;
 in altera vita boni velles cōferre; imò, si in hac
 vita omnibus ærumnis, & in altera supplicijs
 æternis me afficeret, nihil ominus tamen ama-
 re te velim, & ex intimis medullis cordis mei
 tibi servire; ne ad momentum quidem, tuâ
 me gratiâ adjuvante, ab amore tuo desistens,
 aut quidquam remittens. Quod ut clementis-
 simè confirmare, & acceptare digneris, hu-
 millimè peto.

VII. Quando verò, purissimè Domine,
 præcipis mihi, ut amem etiam proximum me-
 um, pro tam dulci præcepto tibi gratias ago;
 & ideo, quantum possum, impello volunta-
 tem meam, ad ipsum amandum. Cupio i-
 psum amare, precorque ipsi à te omne bo-
 num, quo felicior tibiq; gratior fiat: maximè
 N. N. à quibus rebellis mea voluntas non nihil
 abhorret. Rogo, dimitte illis omnia sua pec-
 cata; & concede, ut arripiant remedia neces-
 saria ad vitam æternam consequendam; quod
 si noveris expedire. ut ego caream aliquo do-
 no tuo, quod ipsis attribuas; Ecce Domine
 Deus meus, nihil detrecto. Magna me volu-
 ptate perfundit amor, quo illos prosequeris
 & perfectio, quâ illos exornas: pro qua gra-
 tias tibi maximas habeo.

VIII. Quod si te permittente, continger

me ab aliquo offendi & vexari, nihilominus jam nunc te obsecro, priusquam illud eveniat, ut velis ipsi dare vitam æternam & hoc, quia tu ipsum amas, egoque desidero tibi in omnibus conformari, ut nihil unquam velim, nisi quod vis tu ipse, Dominus meus, & DEUS meus, Amen.

Actus Laudis & Gratulationis.

Laudare Dominum omnes Gentes.

Psal. 116.

LAUS, quæ tibi Deus meus, exhibetur, quantum colligo ex tua divina Scriptura, consistit in omni actu virtutis, qui vel corde, vel ore fiat, vel externo quopiam signo ad manifestandam excellentiam divinæ tuæ virtutis. Congratulatio est actus gaudij, quo afficimur de bono alterius, quod jam consecutus est, ac possidet.

Velim ergo nunc, aspirante gratia tua, elicere hos actus, & cor meum excitare, dicendo affectu intimo animæ meæ: Laudabilissime Deus, & Dominus meus, cum jubilo cordis mei pronuncio, proclamo, commemoro, totique mundo patefacio, quantum scio & possum, inæstimabilem magnitudinem, excellentiam & magnificentiam tuam; ut sis infinitus, & immensus; ut immutabilis & æternus.

ius; ut potentissimus, sapientissimus, optimus, sanctissimus, & infinitæ perfectionis, Creator cœli & terræ, primum principium, & ultimus finis omnium rerum; qui omnia summâ providentiâ regis & gubernas. Horum omnium causâ gaudeo, & gratulor tibi.

II. Et ideo nunc ego magno applausu, & toto pectore te laudo, exalto, magnifico, veneror: atque utinam hoc possim absque cessione præstare, semper & in omni loco terrarum tantum, quantum te exaltant, magnificant, honorant, honorabunt, honorârunt, & honorare potuerunt simul omnes creaturæ, & omnes qui fuerunt, sunt, & futuri sunt.

III. Imò cupio tribuere tibi omnes illas laudes, quas potuissent, possunt, & poterunt dare Beata Virgo, sanctissima Humanitas Christi; & tantum, quantum possunt dare infiniti Mundi, & infinitæ creaturæ, tam visibiles, quàm invisibiles, quas omnipotens manus tua creare potest. Et tantas laudes, tantos honores desidero tibi exhibere, quantos nôsti fieri posse, & quibus es dignus. Quia verò me deficit facultas illud præstandi, opto saltem, tribuere omnes illos honores & laudes, quas cum tuo sancto auxilio referre possum, & quantis tu teipsum amoribus amas: quibus nunc istum, qualemcumque meum affectum laudis, velut exilem appendicem ad ungo.

IV. Congratulor autem tibi, condelector, & lætor, quòd tu Deus meus sis tam ma-

gnus, tamque laudabilis, ut neque vires omnis creaturæ, in terra & in cœlo, sufficiant ad te dignè laudandum, & magnificandum: & gaudeo te ipsum, laudabilissime Domine, id, in supplementum illarum omnium, abunde præstare.

Gratiarum actio.

In omnibus gratias agite. 1. Thess. 5.

I. Quia gratiarum actio, est manifesta confessio accepti beneficii tendens in benefactorem, in signum compensationis: Ego nunc liberalissime Deus me, agnosco te omnipotentissimum, misericordissimum, à quo omne bonum procedit; & confiteor à te mihi provenisse innumera beneficia, & singularissima dona ab instanti conceptionis meæ, usque ad præsentem diem; qualia sunt Creatio, Redemptio, Vocatio, Donatio S. Spiritûs, Conservatio, & infinita alia ab istis profluentia: licet eis fuerim indignissimus: maximè verò beneficio NN. pro quo nunc & pro omnibus alijs, tota contentione cordis mei, totisque viribus, infinitas tibi gratias ago, sicut infinitus est amor tuus, & charitas tua, quâ illa mihi largitus es.

II. Agnoscens itaque me tibi obligatissimum, ô Bonitas infinita, & nesciens, neque valens referre tibi gratias, quantas deberem &

cuperem, invoco Jesum Christum, Beatam Virginem & omnes creaturas, tam visibiles, quam invisibiles, ad agendas tibi pro me gratias: & illas, quas ipsæ quocunque gratitudinis genere, modoque, tibi, reddiderunt, reddunt, & in æternum reddituræ sunt, ego illas pro me nunc omnes tibi offero; & unâ cum illis eodem affectu, recognitione & gratiarum actione, tibi gratias ago.

III. Neque hoc eò facio, quasi mea sint ista bona, sed quia tua sunt. Ego enim promptus & paratus sum illis privari, quotiescunque illa repetere tibi placuerit; & oro, ut idipsum facias re ipsa, quotiescunque judicaveris cessurum ad majorem tuam gloriam.

IV. Ago etiam gratias divinæ Majestati tuæ, quòd sis, qui es, & pro omnibus bonis, quæ possides. Præterea in gratiarum actionem & gratitudinem pro omnibus donis & beneficijs concessis, & concedendis mihi & alijs omnibus creaturis, quæ sunt, fuerunt, vel erunt; specialiter pro his, quæ copiosissimè largitus es hucusque sanctis Angelis, & hominibus, Beatissimæ Virgini, Sacrosanctæ Humanitati Filij tui Domini nostri, eo, quo maxime delectaris, ritu, modoque, offero tibi Deus teipsum; qui es complementum & perfectio omnium.

V. Neque his contentus, in signum gratitudinis, ex isto momento meipsum tibi dedico, dono, trado; cum desiderio & voluntate tibi

fideliter serviendi, & cordialiter æternum te
amandi: humillimè rogās, ut hoc, quale quale
munusculum, undequaue tua Majestate indi-
gnum, etiam antè mille nominibus tuum; ac-
ceptare digneris, Amen.

Actus oblationis.

*Sacrificium Sanctificationis offeres Do-
mino. Eccles. 7.*

I O Dignissime Domine Deus meus, Pater,
Fili, & Spiritus sancte, agnosco me per
omnia tuum: cùm quia me creāsti, tuū quia
me redemisti; ut omittam innumera alia be-
neficia mihi præstita; pro quibus si millies me
tibi singulis horis impenderem, nihilominus
infinītè tibi obstrictus manerem ac debitor.
Quare ego iam talis, qualis sum, liberè & ma-
ximā, quā possum efficacīā, me tibi consecro,
offero, & per omnia dono in plenissimū ho-
locaustum, animæ, & corporis mei; & o-
mnium quæ habeo, vel unquam possum ac-
quirere. Hoc autem facere cupio, eo modo,
quo tu desideras, & quo maximè deest, ut me
tibi offeram & consecrem. Ac proinde liben-
tissimè & liberalissimè submitto me sanctissimis
tuis præceptis & nutibus in perpetuum. Et
quia ego jã tor^o tu^o sum, rogo itā me possideas,
ut nunquam ipse mihi ampliùs restituar, aut
mei juris efficiar; sed ut omne meum velle, fa-

cere, & dicere, non sit aliud, quàm quòd voluntas tua sanctissima & rectissima, vult me velle, facere, dicere: & meum non velle, non facere, non dicere, sit itidem tuum non velle, tuum non facere, tuum non dicere; fiatque pura solùm, quando, quomodo, quantum tibi, dignissime Domine, placet à me fieri & non aliter.

II. Præterea offero tibi omnes divitas, & bona spiritualia rerum omnium, tum creaturarum, tum earum, quas habes in thesauris omnipotentiae tuae, ita ut si omnes meae essent, liberalissime, vellem tibi illas reddere, vel saltem ad solum tum honorem & amorem expendere.

III. Offero tibi omnia bona spiritualia, cogitationes, verba & opera bona, quae fecerunt, faciunt, facturi sunt omnes homines, qui fuerunt, sunt, & futuri sunt unquam in hoc mundo: imò omnes istas cogitationes, verba, & actiones bonas, quas possent facere infiniti homines, quòtque creati possunt à tua omnipotentia; ita ut, si possem, ex amore tui eadem facere vellem illà efficaciam, quā tu scis maxima fieri posse; & illo modo, qui esset Majestati tuae gratissimus.

IV. Offero quoque tibi omnes pœnas, dolores, martyria, & omnia mala pœnosa animae & corporis, quae passi sunt, patiuntur, & passuri sunt omnes homines sive in mundo, sive in purgatorio, sive in inferno, in satisfactionem.

tionem iustitiæ tuæ, & augmentum gloriæ tuæ; & omnia, quæ scis ab omnibus tolerari posse, non solum in isto, sed etiam in centum millibus & infinitis mundis, purgatorijs, & flammis inferni: ita ut, si tibi placeret cum gratia tua, omnia talia libenter propter amorem tuum, salutem meam, & proximi, vellem perpeti.

V. Præcipue tamen offero tibi pretiosum sanguinem, & infinita merita Domini mei Jesu Christi, cum meritis Beatæ Virginis & omnium Sanctorum, & unâ cum illis omnia supradicta: sicut etiam omnes meas cogitationes, verba, opera, studia, occupationes, actus hodiernæ dici, & totius vitæ meæ.

Denique, desidero facere hanc oblationem illo cordis affectu, quo tu nôsti fieri posse flagrantissimo; & toties, quoties suspiro, ut totus in æternum sim tuus, tibi que addictus, Amen.

Actus resignationis erga DEUM.

Omniem sollicitudinem vestram projicientes in eum, 1. Petr. 5.

I. M I piissime Domine, omni affectu cordis mei abnegato per omnia, per omnia tempora me totum resigno, & maximo, quo tu scis

fieri posse, desiderio, & quantum per me fieri potest, desidero perfectissimè voluntatem meam in tuum divinum beneplacitum transfundere; in quo solo cupio mihi complacere, quiescere, & in nulla re alia. Quare te rogo, velis de me, meisque omnibus disponere, quomodo, & quantum tibi placet, & videtur conducere ad maiorem tuam gloriam. Et ita totus in te resignatus, offero me paratum ad acceptandum a potentiſſima tua manu, quidquid mihi acciderit in hac vita, sive illud prosperum, sive adversum fuerit.

II. Quare si vis me vivere, placet vivere; si vis me mori, contentus sum; si vis me sanum, accepto sanitatem; si infirmum, infirmitatem; si locupletem, divitias; si pauperem, paupertatem; si honorabilem, placet honor; si inhonoratum, non abhorreo ab ignominijs; vis me habere consolationem, & illam volo; si desolationem, ea me non terret; si me vis esse in gratia apud homines, volo & ego; si vis in odio, pro inimicis orabo, & in persecutionibus te laudabo.

III. Et ideo nolo habere oculos, nisi ad te videndum; neque aures, nisi ad te audiendum; neque linguam, nisi ad loquendum de te; neque cor, nisi ad te amandum; neque memoriam, nisi ad recordationem tuæ dulcedinis; neque intellectum, nisi ad agnitionem tuæ Majestatis, neque manus, nisi ad tuum obsequium; neque pedes, nisi ad te inveniendum:

dum: neque corpus, nisi tibi ad victimam, & neque vitam, nisi tibi in sacrificium.

IV. In summa. ita sine omni exceptione tuus esse volo, ut, me ipso exspoliato, & omni mea proprietate exuto, sanctissimæ tuæ voluntati (quandoquidem meam jam tibi donavi, & irrevocabiliter redono nunc & in perpetuum) omnes meas cogitationes, verba & opera, tam interna, quam externa, & omne meum esse & posse, quæ gratiâ tuâ dignatus es mihi largiri, permittam, resignem, transcribam.

Neque volo quidquam velle, aut non velle, nisi quomodo, quando. & quantum tu vis; & non vis: ita ut tuum beneplacitum, sit meum summum & ultimum desiderium, jucunditas, consolatio, omni tempore & in omni re. Quare piissime Domine, assiste mihi, tuâ sanctâ gratiâ (sine qua scio me nihil posse) ut omnia cedant in honorem & gloriam tuam, & perfectissimè impleatur sanctissima tua voluntas, Amen.

Actus spei & confidentiæ in DEUM.

*Nolite amittere confidentiam vestram,
quæ magnam habet remunerationem. Heb. 10.*

I. **SI** spes est virtus menti nostræ à te, Deo meo infusa, quâ certò beatitudinem, per merita Jesu Christi Filij tui & Redemptoris nostri, per merita etiam nostra, gratiâ tuâ præventa, sperare debemus; ego, Deus meus omnipotens, totus inclinatus & prostratus, te adoro & veneror: cui nihil impossibile & difficile est, juxta illud de te scriptum: *A-
pud Deum non est impossibile omne verbum.* Et quia per eandem omnipotentiam tuam promissisti mihi cœlestem patriam; idcòque etiam me vocâsti, ut essem tui similis, ô Bonitas infinita, per auxilium tuum & bona opera, quæ cum gratia tua speciali statuo facere, spero & à te solo consequi desidero vitam æternam.

II. O verè omnipotens Deus, ecce ego apertissimè cognosco, tantum bonum mihi promissum, me possidere non posse, nisi te mediante; teque desiderare & velle illud mihi dare: ideo nim Filium tuum pro me in mortem dedisti.

III. Gaudiò afficior & júbilo Christe mi Jesu bonitas infinita, quòd per te solum possim beatus fieri, neque aliud nomen sub cœlo datum sit nobis, per quod salvi fiamus. Unde non placeret mihi beatitudo, nisi per te illam haberem: quandoquidem omnis spes mea & fiducia in te est posita: eamque in te solo positam volo, benignissime & dulcissime Jesu. summum & ultimum bonum meum.

Et hinc tanto júbilo, tanta consolatione
affi-

afficior, & tantâ fiduciâ, ut videar mihi jam possidere bonum, quod desidero: quandoquidem scio, quod Filius tuus unigenitus, per quem tantum bonum mihi vis dare, sit meus Redemptor & Advocatus.

IV. Quare Pater omnipotens toto corde firmissimè spero, posse me a te, cùm sis ¹¹¹ralissimus, consequi & obtinere omnia mihi necessaria ad salutem consequendam.

Ac primò quidem veniam omnium meorum peccatorum, quantumvis multorum & enormium: tum etiam vires ad superandas omnes difficultates in hac vita occurrentes: ac tandem gratiam perveniendi ad fruendum perpetuò felicissimo tuo aspectu. Et quanquam cœlum, terra & omnes creaturæ contra me conjurarent, & ipse jam in portis inferorum consisterem, nihilominus benevolentissime Pater, semper in te sperare vellem & confidere, dicendo cum Propheta: *In te Domine speravi; non confundar in æternum. In te Domine speravi; non infirmabor, Amen.*

Delectatio de Deo.

Delectare in Domino, & dabit tibi petitiones cordis tui. Psal. 36.

I. **S**I verum gaudium est delectatio ex illis rebus profecta, quæ tuæ sunt Deus meus; quia vera materia omnis gaudij est in te, & in

excellētia tua : maximas equidem jucundissime Domine , causas habeo jubilandi & exultandi. Quandoquidē tu es Deus ille, qui est ; nimirum infinitæ potentæ , sapientiæ , bonitatis , pulchritudinis , misericordiæ , justitiæ , fidelitatis & innumerabilium aliorum attributorum, tanquam principium & finis omnis boni : cūque tantus ac talis esses , dignatus es eousque extollere naturam humanam , illamque tibi unire , ut verè dicatur , Deum esse hominem, & hominem esse Deum : Deum quidem naturā, hominem verò dignatione & gratiā. Quin imò , præterea promissisti mihi etiam æternam felicitatem & beatitudinem : idque innumerabilibus testimonijs ac signis, tam in antiquo, quàm in novo testamento confirmasti. O dignatio ! ô bonitas infinita Dei ac Domini nostri ! itaque avidè Domine mi desidero , & volo impostèrum adjuvante gratia tua , omnem animi mei delectationem esse in te, ac de te solo , deque rebus , quæ tuæ sunt , meque ad te pelliciunt ; sicut de te bene dixit , qui dixit : *Deus meus, & omnia.* ! Tu solus es bonitas , Thesaurus , Paradisus creaturæ rationalis, in hoc & in altero mundo.

II. Contrà verò, fastidio, prorsusque averſor hunc mundum & omnia , quæ illius sunt. Neque minis mihi molestum est ea videre, audire & cogitare, quàm sordidissimam cloacam , cadaver putrescens, ac stercora. Omnia enim præ te, Domine, arbitror , ut pannum menstruatæ ac stercora.

III.

III. Et cupio tuæ solius dulcedinis gustum habere, tantumque tuis è rebus gaudium capere, nauseam autem & horrorem ab omnibus rebus mundanis & quæcunque me à te avertunt. Ad hoc præstandum adjuva me Domine tuâ pietate, ut serviendo tibi cum gaudio & perfectione in hac vita, possim te cum Beatis videre & frui æternum in altera, Amen.

Zelus honoris DEI, & salutis Animarum.

Zelus domûs tuæ comedit me, & opprobria, exprobandum tibi, ceciderunt super me. Psal. 61.

I. Zelosissime Deus meus, qui gloriam tuam alteri non das, & omnes animas solus creâsti; ideòque inter alia tua nomina, etiam Dominus Zelotes, & Deus amulator vocari voluisti; doleo, & summe crucior nomine omnium illorum hominum, qui in suis operationibus, relinquentes verum & rectum finem, qui solus es tu, summum & unicum bonum, magis res temporales & caducas hujus mundi quærunt & amant, quàm te; & continue peccantes, tradunt se in potestatem Diaboli, crudelis ipsorum inimici. id quod sine magno micore & pœna cogitare & loqui nō possum.

II. Quare, Deus meus, ego vilissimus peccator

cator nullius pretij apud te, offero pro gloria nominis tui, ac pro salute totius mundi, merita omnium electorum. qui fuerunt, sunt & futuri sunt usque ad finem mundi. Et si ego solus ob amorem & honorem tuum sustinere possem omnes pœnas, omnia tormenta, quæ omnes servi tui passi sunt, modò per ejusmodi perpeſsionem efficere possem, ut nullus unquam te amplius offenderet, toto corde rogarem ac supplicarem tibi pro hac gratia. Quir potius amore tui integrè (si ira tibi placet) abdicò me omnibus, si quæ fortè extant apud te, meritis meis & bonis operibus : (si tamen unquam aliqua tibi verè grata præstiteri) & offero illa tibi æterno Patri, unita cum meritis Filij tui pro conversione totius mundi ; ut sic ab omnibus honoreris in terra, sicut in cœlo. Et si possent omnia flagella, quæ alijs debentur propter sua peccata, meo tergo imponi, ut ipsi parceretur & meritum hujus mei supplicij, in bonum ipsorum cederet, etiam hæc te rogarem ; & si ità expedit, jam humiliter te rogo ; at pro hoc qualicunque meo obsequio des omnibus gratiam perfectissimè tibi serviendi ; itaque te amandi, ut nullus amplius te offendant : sed perpetuò omnes te laudent ac benedicant non minus, quam faciunt tui Angeli, & Sancti in cœlo.

III. Præterea tanti facio honorem & gloriam tuam, ut eligam potius manere æternum in inferno, & pati omnia tormenta, quam ut

tu,

tu, vel unico momento, priveris tuo honore: cum tibi omnes honores debeantur, mihi autem omnes pœnæ, anxietates, & dedecora: & ne defrauderis tuo debito honore, veniant obsecro super me omnia opprobria, anxietates & miseriæ. Et si hoc non sufficiat ad te honorandum, veniant super me omnia mala animæ & corporis absque peccato: cæque talia & tanta, qualia & quanta, tu scis posse inveniri, sive in inferno, sive in terreno hoc mundo, sive in purgatorio; & si qua fieri possunt ijs adhuc majora, gravioraque. Sed tu interim, ô Amor meus, ne obliviscaris mei, sed des mihi gratiam & fortitudinem ad sustinendum illa, sicut ego libenter pro amore, & honore tuo, paratus sum illa acceptare.

Actus timoris DEI.

Beati omnes, qui timent Dominum.
Psalm. 127.

I. Summè timende & tremende Domine, si justus timor est anxietas quædam cordis, quæ retrahit hominem ab illicito usu membrorum & sensuum exteriorum, interiorumque affectuum; ne anima, vel omnino, vel ex parte à te, Deo meo, separetur, aut quærat delectionem in aliqua creatura, atque ita refrigerat ardor spiritûs: ego nunc considerans infinitam Majestatem, & magnitudinem tuam,

in cujus conspectu tremunt omnes spiritus, coelestes, terrestres & infernales: totus confusus ob meam monstruosam indignitatem, descendendo in abyssum nihili mei; magnopere timens, ne te offendam; & separer a divina tua gratia: sicuti alijs multis evenit, eo quòd in conspectu tuo rectè non ambulant.

II. Itaque dum cogito solum, quòd possim te offendere peccatis venialibus, ac mortalibus, horreo, & totis artubus meis contremisco; maximè quòd agnoscam, me omnino debilem & imbecilem, & nihil posse sine gratia tua singulari.

III. Agnosco tamen etiam Domine, nunc timorem esse mihi valde necessarium, & utilem; & ideo instantè illum à te peto; ipsūque ut in me augere, & animæ meæ imprimere velis, rogo, dicendo cum Psalmista: *Confige timore tuo carnes meas, ac judicijs enim tuis timui.*

Actus humilitatis, & cognitionis sui.

Qui se humiliat, exaltabitur, Luca cap. 14. vers. 18.

I.

SI humilitas est virtus, quæ reprimat appetitum, ne se immoderatè in altum extol-

B

lat,

lat, quomodo ego, vilissimus vermiculus terræ, cum video te, Deus meus, amore mei humiliatum ad patiendam ignominiosissimam mortem; quomodo, inquam, ego me audebo extollere, & non potius infra terram abscondam; cum & me agnoscam tam superbum, & ingratum, ut non credam inveniri aliquam creaturam, quæ si à te habuisset tantam gratiam, & tot beneficia, quot ego, non multò majore fervore tibi, & spiritu, servijset, quàm ego. Imò quia hanc veritatem ex corde, & sicuti est in re ipsa, non agnosco, reputo me superbissimum, & in veritate alijs omnibus viliorē, propter meam hypocrisin & stultam superbiam; tibi Deo meo, tan odiosam & execrabilem.

II. Ac tantopere excæcavit me ista mea superbia, ut me ipsum non agnoscam, & non videam, Domine, quòd quantò plura dona à te accipio, tantò majora sint mea peccata & ingratitude, tantòque strictior à me tibi reddenda sit ratio. Ideo profectò ego sum vilior peccator omnibus alijs; & credo, neminem tam longè unquam à te recessisse, quàm ego recessi per mea flagitia; imò credo, si maximi quique peccatores mundi habuissent talia auxilia, qualia ego à te accepi, majore festinatione ad te redituros, ac fortè semper, & majore sinceritate cordis & affectu, te amatuos & honoratuos fuisse: sanè magis dolerent de suis peccatis, ac fidelius tibi servire inciperunt, quàm ego.

III. Obstupesco, Domine, quomodo sustineas conspectum meum, cum sim creatura tibi tam ingrata. Et ideo porsus indignum me reputo, ut tibi serviam, tuque exaudias orationes meas; indignum omni gratiâ & cœlestibus inspirationibus; imò indignissimum, quia tam parum ad lucem tuam respicio: ideoque pridem fui promeritus, ut à te propiciar, & relinquer in tenebris & erroribus: indignus etiam, cum sim tibi tam inobediens & refractarius, qui habitem inter tuos fideles, & in domo servorum tuorum: à quibus, si pro meritis me tractare vellent, nihil aliud audire me oporteret, quàm contumelias & convicia. Quin etiam amandari me conveniret à consortio omnium hominum, ne fortè putredo meorum abominabilium ulcerum, & vitiis, quoniam illorum inficiat.

IV Vellem etiam omnibus notam esse meam extremam vilitatem & miseriam, ut omnes iusta me abominatione detestarentur, ac zelo gloriæ tuæ pro meritis exciperent.

V. Adminor, Domine, tuam erga me pietatem inestimabilem, quâ me tolerasti hucusque, neque ut summâ erga te ingratitudine promerebar, in profundissimos flammarum puteos deturbasti. Imò agnosco me solum propter meam ingratitudinem, inter omnes alias creaturas indignum divinâ tuâ curâ, providentiâ & amore, quibus omnes alias creaturas prosequeris: & horresco intuens me ipsum,

tanquam rem ultra, quàm dici possit, sordidam, odiosam & abominabilem : perôque à te, ô lux æterna, ut semper magis me ipsum agnoscam, ne unquam super alios amplius perversem extollam.

Ah Domine, ex infima abyssu miseriæ meæ clamo, & invoco abyssum misericordiæ, & pietatis tuæ ; dona mihi hanc gratiam, Amen.

Actus compunctionis, & odij contra peccata.

Secundùm multitudinem dolorum meorum in corde meo, consolationes tua latificaverunt animam meam.

Psalmo. 93.

I.

Contritio est, quâ quis ex animo, & super omnia, detestatur commissâ peccata, velut offensam. Dei ; cum summo proposito confitendi, non amplius peccandi ; adjuncta spe veniæ. Quare, ô Deus meus, & misericordia mea, ego verè contritus, flecto genua cordis mei, summôque cum dolore animi humiliter me accuso, & coram divina Majestate tua meam culpam agnosco, confitendo omnia peccata mea, & omnes abominationes, commissas toto tempore vitæ meæ, in superbia,

bia, avaritia, luxuria, invidia, gula, ira, accidia, & in vitijs omnibus, quæ ab istis promanant; quia, proh dolor! nimis inclinatus, & effusus fui in omnia. Cujus me summopere pœnitet, ac doleo peccâsse, non amore præmij justis promissi, quo dignus non sum, neque timore suppliciorum peccatoribus infligendorum, quibus undequaque sum dignissimus: sed ideo tantum, quia offendi te, Deus meus, qui ex te ipso summè es bonus, & adorandus; imò ipsa charitas, ipsa bonitas, ipsa Majestas.

II. Et propter magnum amorem, quem tibi debeo, quémque erga te gero, Domine, odi, detestor, abominor peccatum, amorem proprium, inordinatum amorem creaturarum, & omne illud, quod me potest impedire, quod minùs tibi appropinquem, & sancto tuo amori. Quidquid peccavi corpore, animâ, cogitatione, verbo & opere, sive ex fragilitate, sive ex ignorantia, sive ex malitia contra te, Deus meus, contra proximum, & me ipsum, quocumque modo; toto corde, toto affectu, quo possum, dico meâ culpam, meam maximam culpam: pœnitet me peccâsse, ac doleo, quodd hâc horâ non sentiam tantum odium peccati, neque habeam tantum dolorem, & tantam detestationem præteritorum, neque tam firmum propositum cavendi futura peccata, quantum vellem & deberem habere, ut respondeat meis tantis abominationibus.

III. Idem te precor Deus meus, accepta

B 3 illud

illud odium infinitum , quo tu peccatum detestaris , in supplementum eius , quod ego habere deberem : & in vicem doloris , quo careo , offero tibi , misericordissime æterne Pater , dolores Jesu Christi , Filij tui , & Redemptoris mei , simul & sacrificium immaculatæ vitæ ejus : & sanctum fervorem ac zelum , qui illum adduxit ad ignominiosissimam , & acerbissimam mortem , ut peccatum destrueret.

IV Ah Jesu , mi clementissime , abyssus miserationum ! ad pedes misericordiarum tuarum me postremo , obsecrans te per charitatem illam , quæ de cælo te traxit in utero Virginis , velis mihi applicare merita amarissimæ tuæ passionis , & pretiosissimi sanguinis , quem pro peccatoribus , quorum ego maximus sum , effudisti ; & ita supplere omnes meos defectus , & ignoscere mihi omnia vitia , peccata , negligentias , ingrati tudines. Largire , quæso , ut omnia ista impofterum , longè a me fiant : & quamvis ego naturâ non possum esse impeccabilis , saltèm , ô Bonitas infinita , fac mihi hanc gratiam , ne unquam mortaliter peccem. Sane hoc est , quod etiam tu ipse vis , desideras , petis , & mandas : da quod jubes , & jube , quod vis. Deinde fac , Domine , ut loco supradictorum vitiorum , in me imprimantur omnis generis sanctæ virtutes , quod totum cedat tibi in gloriam , gratiarum actionem , nunc & semper , & in sæcula sæculorum. Amen.

Actus boni propositi

Iuravi, & statui custodire iudicia iustitiae tuae. Psalmo 118.

I.

Mirabilissime, & potentissime Deus, quia illuminante gratiâ tuâ cognosco, quantopere sim obligatus ad bene operandum, & prosequendam virtutem: ad declinandum à malo, & fugiendum peccatum: ideo nunc omnino mihi diffusus, totûsque confusus & innixus sanctæ tuæ gratiæ, propono, & tota virtute liberi mei arbitrij, plenissimo, deliberatissimoque consensu statuo, nunquam amplius peccare; & potius millies singulis horis profundere vitam, quàm unquam graviter te Deus meus, offendere, aut tentare quidquam, facere, dicere, aut cogitare, quod sit contra tuum beneplacitum; sed ut basiliscum fugere omnem occasionem peccandi, & quidquid tibi displicet: quandoquidem ego volo, quæcunque tu vis, ac detester, quæcunque tu detestaris. Et si fortè, quod absit; contingeret, me committere, vel emittere quidpiam, contra tuum beneplacitum, id omne jam nunc protestor, non fore meæ voluntatis & mentis, sed malignæ suggestionis, & subiti motûs, huic meo decreto contrarij: tu Domine, fac, ut in eodem firmus persistam, & ut nullas ta-

les obreptiones admittens, omnium desiderio-
rum & motuum meorum, gratia tua juvante,
plenus sim dominus. Quapropter liberè nunc
renuncio omni consensui, tuæ voluntati con-
trario, & absolutè, me ab dico liberrate arbitrij,
quoti es ad malum alliciar, & in periculo ver-
sabor te offendendi, & in omni eo, quod ten-
dit ad malum.

II. Præterea propono etiam imposte-
rum observare perfectissimè omnia tua divina
præcepta, & quæ tibi promisi in sancto Bapti-
smo, aut alijs votis: & conabor, quantum
per gratiam tuam potero, imitari sanctissi-
mam tuam vitam, & procurare habitum o-
mnium earum virtutum, quæ tibi magis pla-
cent: & facere per omnia tuam rectissimam
voluntatem; & per omnia, pro viribus, op-
primere meam, in mala propensam; subji-
ciendo illam tui amore omnibus meis superio-
ribus, æqualibus & inferioribus; tandèmq̃ue
ingredi viam perfectionis, per illa media, quæ
tu, Magister meus, in sancto Evangelio tuo,
verbis & exemplis monstrâsti.

III. Adjuva me igitur, Domine; quia
finè tuo auxilio singulari non valeo exequi, &
implere bona ista mea proposita: da mihi vi-
vam fidem, fortem & constantem animum:
ut sicut tu peccare non potes per naturam, ita
ego non possim per gratiam tuam.

IV. Denique rogo te, ut declarationem
hanc meæ voluntatis, acseptare, & appro-
bare

bare digneris tuo iudicio ; ut omnia sint , & fiant ad gloriam & honorem tuum , salutem animæ meæ , & proximi mei , & secundum sanctissimam tuam voluntatem : cui , cum toto meo esse , quod mihi largitus es , me dedo , & consecro , Amen.

Actus Petitionis ad DEUM.

Quodcumque petieritis Patrem in nomine meo , dabit vobis. Ioan. 15.

I.

BEnevolentissime DEUS , & Dominus meus , quamvis ego sim tuus creatione , conservatione , redemptione , justificatione , speciali vocatione , & naturali conditione ; magis tamen peculiarissima electione liberi mei arbitrij cupio esse , & sum tuus : ideo nullius alterius januam , pro gratia aliqua , præter tuam , qui es fons & origo omnis boni , mihi licet pulsare.

II. Neque aliud desiderare , petere aut velle à te debeo , nisi illud unum , quod tibi magis arridet , & maiorem tuam gloriam concernit : & si quando meam voluntatem alterius cujusquam rei desiderio moveri continget , illud jam nunc abominor , detestor , & fieri nolo ; precorque divinam Majestatem tuam , ne

unquam in similitudinem me exaudias. Imò propterea primò & principaliter peto, & summâ quâ possum, contentione te rogo, ut perfectissima tua voluntas in me semper fiat; mea verò nullius sit efficaciz: ut aded nihil profus in me inveniatur, quod non sit tuum. Quia tamen voluntas mea profus oriri non potest, opto, ut quocunque feratur, non sola feratur, Domine, sed semper conjuncta cum tua, quæ sola est sancta & recta. Ità cum gratia tua desidero, ità apud me statuo: ità coram curia tua cœlesti protestor.

III. Quare, ô Domine, quotiescunque te aliquid peto, nihil intendo perere, nisi per Jesum Christum, filium tuum; associatis pariter sanctissimis ipsis, & meis qualibuscunque desiderijs. Itaque benigne Pater; si non mea, saltem gratiosa desideria Filij tui merentur admitti. Sic exhibes justitiam ipsi, mihi misericordiam, tibi verò ipsi concilias honorem & gloriam. Voluntas dulcissimi Filij tui, Deus meus, vult, desiderat, mandat, ut ego sim humilis, patiens, benignus, charitate repletus; cupit, ut vivam tibi, mihi moriar. Da, benevole Pater Filio tuo, ut impleatur hoc desiderium ejus, tam pium sanctumque: sic enim satisfiet etiam tuo: & ipsi honor accedet, Spiritui sancto amor, & veneratio.

IV. Domine, quia ego nihil boni possum præstare, concede mihi hanc gratiam, ut ego te suam facere, quæcunque volueris, &

ut meum facere, sit permittere tibi, ut agas in me id unum, quod maximè tibi placuerit.

Et ut in me nihil sit, quod tibi displiceat, exorna me sanctis virtutibus, dando mihi augmentum Fidei, Spei, & Charitatis: humilitatem spiritûs, puritatem cordis, & omnes illas virtutes, dona, gratias, quas scis mihi esse necessarias; & quidquid de gratia tua in mea sive anima, sive corpore desideras inveniri; quò meliùs tibi possim placere, digniùs & fidelius deservire, & perfectiùs te adamare; assimilatus tibi ut homini, conjunctus ut Deo. Rogo insuper, ut mihi des gratiam perveniendi ad eum gradum perfectionis, quem ab æterno desideras me consequi; des etià auxilia, media, ac dispositiones necessarias ad obtinendum eundem.

V. Præterea, tota contentione pectoris mei, peto à te, veram contritionem, meorum peccatorum, & remissionem illorum; & ut imposterum permittas, me millies potius corporaliter mori, quàm ut vel semel moriar animâ.

Peto item, Deus meus, totis viribus & affectibus animi mei, quos mihi per desideria & merita Jesu Christi, Filij tui, largiri digneris gratiam efficacem: & si fortè nimis importunus videor in petendo, ecce Domine, contentus ero unicâ solâ gratiâ, nimirum eâ, quâ respondeam semper gratijs tuis, & sim talis, qualem esse me desideras.

VI. Quia pius es, dulcissime Domine; ita

ad rogandum ipsa me excitat misericordia tua, ut ego terra & cinis, petere audeam non solum id quod habes; sed illud etiam, quod es ipsemet, peto, infimus tuus cliens, eâ quâ possum demissione animi, te solo, uno & unico perfrui, in te solo respirare & quiescere, & non in aliquo tuo dono, quantumvis eccellente, nobili, virtuoso, divino.

VII. Peto purissimam illuminationem intellectûs, ad tria præcipuè cognoscenda. Primum, ad cognoscendum perfectissimè beneplacitum tuum, & faciendam integrè sanctissimam voluntatē tuam. Deinde ad cognoscendam propriam meam vilitatem, ingratitude, & ad omne bonum indignitatem. Denique ad habendam perfectam notitiam omnium virtutum moralium, illasque consequendas; quò in me, Deus meus, amor tuus nudus, purus ac sincerus excreseat.

VIII. Tandem rogo te, placeat tibi acceptare meas preces, non ut à me procedentes, sed velut à te inspiratas; & illas conjungere cum precibus Filij tui, Jesu Christi, sanctissimæ Matris suæ, SS. Angelorum, Apostolorum, Martyrum, Doctorum, Virginum, Confessorum, & utriusque Ecclesiæ, triumphantis ac militantis, ad obtinendas supradictas gratias & sanctitates spirituales & corporales; tam meas, quàm proximi: neque attendas, Domine, personam meam, sed illorum, quorum offero tibi merita, precésque, per JESUM

sum Christum, Filium tuum, à quo derivatur, & provenit omne opus meritorium, & omnis bona voluntas. Quod totum cedat ad sempiternam gloriam & honorem amabiliſſimæ, adorandæ, glorioliſſimæque Trinitatis. Amen.

Actus renunciandi voluptatibus, proſervanda caſtitate.

Erunt ſicut Angeli in cælo, qui neque nubent, neque nubentur. Matth. 22.

I.

Puriſſime Domine, & legitime poſſeſſor cordium humanorum, tibi libentiſſimè do omnimodam poſſeſſionem, & directum dominium meorum omnium; renunciando omni affectui terreno, & ſenſuali delectationi; ità ut ſi ego poſſem frui omnibus voluptatibus, & delicijs ſenſûs & carnis, quæ ab omnibus hominibus delibari ac percipi ſolent, quæque deſiderantur; ſi que poſſem illis etiam ſine peccato perfrui, nihilominus tamè liberaſſima mente illis renunciarem, & reſolutiſſimè illas refugerem: ſicut nunc renuncio & refugio, quò tibi magis placeam, tibi puriùs vivam, mèque tibi conformem.

II. Præterea non solum repudio quas-
cunque delectationes carnis, sed etiam sensua-
litas; ut sunt oculorum, ne aspiciant illa ob-
jecta, quæ oculis hominum videntur pulchra,
delectabilia, & curiosa; aut etiam quameun-
que rem creatam, quæ ipsos afficiat.

Sic etiam omnes alios meos sensus privo
omni gustu & delectatione, quam à quacun-
que re creata possunt accipere; id quod toto
corde desidero in me impleri, tantum ut tu
magis oblecteris, tibi que gravior fiam. Quia
cùm laqueos omnium illecebrarum abrupero,
& meum cor ab omni gustu; & oblectatione
humana purgavero, & facilius illud se tibi con-
formabit, & uniet cum tuo, mi dulcissime Je-
su. Et sic potero felici tuo conspectu potiri,
quemadmodum dixisti: *Beati mundo corde,
quoniam ipsi Deum videbunt.* Extingve igitur
in me, Domine, & extirpa radicitus funditús-
que omnem cupidinem carnis & sensuum.

III. Imò ut magis tibi placeam, serviam,
& te purius amem, non solum repudio omnes
supradictos gustus, voluptates, & delicias; sed
etiam statuo ne illis quidem inhiare, quæ sunt
spiritus; nisi quæ prosunt ad excitandum in
me fastidium sensualium, eoque perducunt,
ut mea tota oblectatio, gustus & consolatio in
te solo sit, & in beneplacito sanctissimæ tuæ
voluntatis, Amen.

Actus renunciandi bonis temporalibus, amore pau- pertatis.

*Qui non renunciat omnibus, quæ pos-
sidet, non potest meus esse discipulus.*

Lucæ. 14.

I.

REx Regum, & Dominus Dominantium,
Deus meus, superabundo consolatione,
& cor meum exultat gaudiò, quando co-
gito, te absolutum Dominum esse univerſo-
rum, & inter univerſa mei quoque, poſtremi
& minimi: ab alio, quàm à te poſſideri nolo;
nec aliud ego poſſidere, aut habere volo pro
meo bono, & theſauro, quàm te; ità ut ſi mi-
hi offerretur poſſeſſio, & dominium totius
mundi, cum omni ſua opulencia, ſplendore,
potencia, ego promptiſſimè ipſi renunciarem,
ſicut in præſens illi ſponte, liberèque renun-
cio: neque illi ſolùm, ſed etiam omnibus alijs
rebus, quæ ab humano corde in hac vita deſi-
derari poſſunt; atque hoc tui ſolius amore.

II. Et ne, cùm omnibus reunciârò,
meum animum detineat aliqua de ſingulis,
proſteor Domine, quod ſi me nunc exui velis
amictu, quo tegor, æquo id animo ferrem;
ut

ut magis me tibi, qui nudus pro me in cruce pependisti, conformem, & magis in mea nuditate tibi placeam, Domine Jesu.

Si exturbarer & excluderer domo, quam inhabito, tibi que Domine magis placeret me habitare cum feris in sylvis, aut in quocunque alio loco vili morari, forem contentus.

III. Si quando privabor melioribus cibis & fructibus terræ, & ad sustentationem vitæ solum panem durum, ac nigrum cum aqua habuero, contentus ero, & pro eo gratias agam, quandoquidem & illo sum indignus propter multiplicia mea peccata. Ah Domine! imprime cordi meo hanc veritatem; adjuva, & ne permittas me istis vanis bonis mundi, aut quacunque te creatâ, exquisitâ, preciosâ, vel tenuissimè affici; sed totum meum bonum, thesaurus & divitiæ meæ, in te sint, & cor meum in te solo acquiescat, Amen.

Actus renunciandi propriæ voluntati, ex virtute obedientiæ.

Si quis vult venire post me, abneget semetipsum, & tollat Crucem suam, & sequatur me. Luca 9.

I.

REctor & primus motor universi, cui omnia obe-

obediunt, Deus infinitæ Majestatis, desiderio conflago, quoties mecum ipse cogito (cogito autem sæpiissime) quomodo possim tibi placere, & me per omnia beneplacito tuo conformare. Et propterea nunc ultro & liberè, me totum tibi offero, & mancipio: peculiariter autem propriam meam voluntatem, cujus liberam possessionem tibi trado & resigno; quandoquidem aliud, præter hanc, in mea potestate non habeo. Hanc ergo per omnia, & in omnibus, cum plenissimo usu & exercitio sanctæ obedientiæ, sanctissimæ tuæ voluntati subijcio; renunciando planè firmâ resolutione, quantum possum, voluntati & libero meo arbitrio.

II. Tuâque gratiâ fretus, propono, semper tibi obedire in omni re, non facili magis, quàm difficili; amplectendo de novo, & acceptâdo libentiissimè omnia sancta tua præcepta, & quantum ratio vocationis & officij mei patitur, etiam consilia: desiderans, ut illa sint perpetua regula ac lucerna pedibus meis, & lumen semitis meis: dulcia sint faucibus meis eloquia tua; adimpletio eorum super mel & favum. Voluntas tua sit corona capitis mei; & tanquam torques in collo meo, facere quæ tu, Deus meus, mandare nobis, & suade diguaris. Nolo proinde meam voluntatem, vel in minimo, unquam tibi esse rebellem, sed semper ad unguem tuæ conformem; ità ut sola contraria cogitatio & motio, sit mihi dolori ac tormento.

III.

III. Subjicio etiam hanc meam voluntatem, tui amore, omnibus meis superioribus, in omnibus illis rebus, quæ sunt consentaneæ divinæ tuæ legi, aut ei non expressè contrariæ. Quantumvis autem ardua, molestaque mandaverint, nihilominus propono, cum tuo auxilio, promptè illa exequi.

IV. Ah Domine ! tolle, tolle tandem penitentiæ à me propriam meam voluntatem; nec sit ampliùs initium, neque vestigium meæ voluntatis in me; sed omnia mea tua sint: exure & redige illam, ardente & ignito tuo amore, in favillam; ut ablato & consumpto malo, totus ego tandem bonus & gratus sim tibi, Amen.

Aspiratio mentis in DEUM.

*Os meum aperui, & attraxi spiritum.
Psalmus 118.*

I.

DEus meus, propter immensum illum amorem, quo me prosequeris, fac obsecro, ut ego hic in terra tantum te amem, quantum debes amari.

II. Domine mi, Deus amoris, bonitas infinita, fac obsecro propter tuum ipsius amorem, ut sicut ego in te, & per te solum vivo, ita
etiam

etiam meum viveve totum cedat in honorem
& gloriam tuam.

III. Pater misericordiarum, talem me
fac, qualem Filius tuus meretur, & Spiritus
sanctus me esse desiderat.

IV Amare te volo, Domine, quia tuus
sum: mei verò ipsius curam habere non alia
de causa, quàm quia tu id petis, & mandas.
Et ideo protestor, totam curam, quam habi-
turus sum de me, non futuram quasi de mea
re quapiam, sed quasi de tua.

V. Gratum hoc tibi sit, Deus meus; ad-
mitte, Pater mi, acceptum habe, Domine,
ob merita sanctissimi Filij tui, Redemptoris
mei Jesu. Amen.

Actus eliciendi, cùm au-
dimus, vel videmus aliquod
bonum proximi.

*Particeps ego sum omnium timentium
te, & custodientium mandata tua.*

Psalmo. 118.

I.

Domine Deus meus, cùm audio & vi-
deo proximum meum, & particulari-
ter N. tibi servire, & boni aliquid face-
re, moliri; gaudeo, & multùm in hoc mihi
com-

complaceo. Et bonum ipsius, reputo quasi proprium meum bonum; & tanquam meum illud tibi offero, dedico, cum omni illo bono, quod omnes sancti peregerunt olim, & peragunt adhuc in universo mundo, ad æternam gloriam tuam, perinde ac si ipsemet ea fecissem; offero.

II. Ago tibi gratias, Domine, pro bonis inspirationibus & auxilijs, quæ tam huic personæ, quam omnibus alijs meis proximis tribuisti, & tibiis ad bene operandum, loquendum, & cogitandum; neque aliter de hoc tibi gratias ago, quam si tale beneficium propriè fuisset exhibitum animæ meæ.

III. Quin etiam insinuo, & immitto me in proprium cor ipsius, & omnium famulorum, & famularum tuarum, ut simul cum eis ex corde perficiam omne illud, quod ipsi faciunt, & desiderant facere in sancto tuo servitio. Tu enim scis Domine, quod ego idem omnino vellem præstare, si tu à me idem peteres, ac donares idem agendi gratiam, vires, occasionem, facultatem aut mandatum. Nullâ profectò me difficultate, vanoque timore ab illo præstando sinerem absterreni.

IV. Adauge verò, Domine, enixè rogo, in illo, bonum, gratiam, & merita, cum omni virute, quantum ipse, te inspirante, desiderat, aut te sciente, indiget; ut à quo tibi grata fiant obsequia, exhibeantur multò etiam gratiora, maiorem in modum,

V. Denique largire, quæso, Domine
mihi, ut quilibet videat tale bonum, pulchro
exemplo inflammatum paria meditetur, & in-
cipiat agere, secundum dispositionem tuæ vo-
luntatis, ad majus tuum obsequium & glo-
riam, Amen.

Actus eliciendi, cum au-
dimus, aut videmus aliquod
malum proximi.

*In quo judicio judicaveritis, judica-
bimini; & in qua mensura mensi
fueritis, remetietur vobis. Mat-
thæi 7. capite.*

I.

MI perfectissime Domine, cum audio,
& video aliquod malum, maxime
spirituale, mei proximi, summopere
compatior humanæ fragilitati, quamvis omni-
bus communi, & præcipue compatior defectui
hujus N. Non credo tamen illud esse tantum
malum, quantum mihi videtur, vel esse dici-
tur: imò fortè nihil est, neque tale videtur lu-
cidissimo oculo tuo, quale nostro fallaci. Si
tamen, Domine scrutator cordium nostrorum
est culpa aliqua, magnopere doleo de lapsu fra-
tris mei, multò magis autem de tuâ offensâ.

II, Ego

II. Ego in vicem hujus defectus, & in compensationem tuæ offensæ, offero tibi pretiosum sanguinem Jesu Christi, Filij tui, tantopere humiliati propter peccata nostra: illius charitatem, mansuetudinem, silentium ac dissimulationē inter continuos nostros defectus.


III. Deinde ego idipsum perpetravi, vel in alio simili te non minus offendi, pro dolor! & gravius etiam te offenderem, nisi tua me gratia præservaret. Unde etiam toto corde gratias tibi ago pro auxilio, sine meis meritis mihi præstito.

IV. Optimè scio, Domine, te posse ex malo elicere bonum: placetque tibi illud efficere; aliàs malum non permitteres. Cedat ergo ad majorem tuam gloriam defectus iste, ad majorem verò humilitatem & cognitionem sui ipsius, qui peccavit.

V. Oro denique, occlude omnium oculos, ne inde sumant audaciam patrandi similia: liga linguas morfu conscientiae, ne de re illā loquantur, neve ex minore delicto, quod per humanam infirmitatem admissum est, multa alia nascantur, per defectum charitatis,

& improbitatem humanam,

Amen.



Actus Charitatis , elici- endæ ex quacunque re creata, bona, maláque.

*Diligentibus Deum omnia cooperantur
in bonum, Rom. 8.*

I.

Benignissime Domine , magnam capio voluptatem , non solum ex omni illo amore , quo te prosequuntur omnes sancti & iusti , qui sunt in hac vita ; sed multò magis illo , quo te longè sincerius complectuntur tum illi , qui corpore liberati adhuc in aditu regni cœlestis commorantes , avidissimè faciem tuam expectant ; cùm illi , qui in penetralia felicitatis admissi , clarissimo tui conspectu fruuntur , homines & Angeli : ac præcipuè illorum omnium Regina Virgo , & SS. Humanitas Redemptoris nostri.

II. O si ego possem te amare omnibus illis affectibus , quibus illi omnes te amant ! quàm libenter & hilariter id præstarem ; sed quia non possum , gaudeo saltèm , ipsos , qui meliùs possunt , id facere : optòque ut semper magis magisque id faciant , & in amare eodem perseverent in æternum , secundùm beneplacitum tuum.


III. Ex

III. Ex altera parte, Domine, vehementer displicet ac doleo, plurimos alios è servis tuis negligentius te amare; plerosque etiam, pro amore, tibi referre injurias. Obsecro, Domine, pro infinita Bonitate tua, ignosce illis; & largire gratiam tuam, quâ se emendent, & te vel jam incipiant amare super omnia, & in omnibus exequi tuam sanctam voluntatem.

IV. Sed quid dicam de illis, qui à te ad imaginem, & similitudinem tuam formati, & innumerabilibus beneficijs donati, cum te, quem super omnia amare deberent, ne agnoscunt quidem, infideles & improbi? Quantum hoc, amabilissime Domine, dolorem debet mihi creare, quas lachrymas expellere? Utinam omnium illorum corda, & voluntatem in potestate mea haberem, ut possem istos, tuo amore inflammare! Ecce, Domine, saltè cogitatione mea purgatos ab omnibus peccatis, quales ego esse desidero, & tu facere potes, omnes illos puros & sanctos tibi offero, ad honorem & gloriam tuam. Quanta mihi felicitas eveniret, si possem ego supplere defectum ipsorum, prosequendo te actibus illis amoris, quibus ipsi te prosequi deberent! & non solum ipsorum defectum, sed etiam pravorum Angelorum, & hominum damnatorum, qui pro amore & laudibus, execrabili contra te odio iraque fragrant, longè pejùs, quàm flammis infernus. Sed quia, ne pro mea quidem parte amare ac laudare te satis possum, omnem
&

& meum, & aliorum defectum, desiderio saltem, quo possum, & quantum possum, suppleo.

V. Interea pro magna felicitate reputabo, quòd sciam tuam divinam Majestatem, infinita sua voluntate, satisfacere pro omnibus, & omnes amandi partes explere: cum infinito amore amas te ipsum: Quare summopere gaudeo, & hunc amorem nunc tibi humiliter exhibeo, & pro me offero, in supplementum etiam omnium illorum, qui omittunt hoc facere. O! Deus, amor meus, totum, & unicum bonum meum. Amen.



Actus & Affectus

Virtuosi.

Ex Consideratione Attributorum Dei.

PRÆFATIO.

Licet omnes excellentiæ, & perfectiones divinæ absolutæ, prout in Deo sunt, neque inter sese, neque à divina essentia, sint realiter distinctæ, sed sint summum, absolutissimum, & simplicissimum esse: nihilominus quia noster intellectus est nimis hebes ad illas, ut in se sunt, intelligendas; ideo utitur varijs, & diversis conceptibus, atque distinctionibus, & conatur delibare aliquid illarum.

larum perfectionum : quas deinde solemus vocare attributa divina, quæ nos tanquam excellentias distinctas (licet unitissimas inter se) attribuiamus Deo. Quarum cognitio , quamvis tam alta sit ac sublimis, ut maior in mundo inveniri non possit : nihilominus tamen illis, qui practicè illam possident , erit excellentissima Regula ad acquirendas omnes virtutes , & bona spiritualia: quia cognitio Dei, & imitatio virtutū ejus, est nostra perfectio : sicuti contrā ignorantia Dei, est fons omnis peccati & miserrū. *Nosse enim te consummata justitia est. & scire justitiā & virtutē tuam; radix est immortalitatis, dicitur Sapientię cap. 15.* Quare ad similitudinē aliorum actuum virtuosorum, hoc libello contentorum , volui paucos quosdam etiam ex attributis divinis excerpere, ut devotus Christianus ex hac parvā luce, quæ ipsi datur , possit pervenire ad dictam notitiā & perfectionem vitæ ; cum spe tandem consequendi completam , & consummatam justitiā ; quæ est fructio ipsius Dei in vita æterna.

Essentia DEI.

Hæc est vita æterna, ut cognoscant te solum Deum verum, & quem misisti, JESUM Christum, Ioan. 17.

Domine mi, tu es simplicissima Essentia, & ideo in omni genere perfectiōnum absolutè infinitus, nec quicquam
tibi

tibi potest addi, vel deesse. Incomprehensibilis es respectu omnium locorum, omnium temporum, omnium voluntatum, & omnium intelligentiarum. Quia tu excedis omnia loca, comprehendis omnes differentias temporum, transcendis omnes mentes, absorbes omnia corda hominum & Angelorum, & tu solus te ipsum dignè potes comprehendere, metiri, intelligere, & amare.

II. Es immensus, implendo, penetrando, eminendo super omnes res creatas & creandas: immobilis, indeterminatus, incircumscriptus; quia tu in infinitate omnes terminos, & spatia imaginaria infinitè transcendis. Et ideo naturâ, operatione, cogitatione, affectibus es immutabilis; quia non cadit in te umbra vicissitudinis, mutabilitatis; sed in eodem esse, & velle, semper es firmissimus.

III. Es æternus, absque principio & fine: amplecteris unico puncto indivisibilis æternitatis omnem durationem & differentiam temporum; neque obis aliud tempus, quàm perfectissimum. Nunc illud, quod tempori semper ex æquo responder, tibi ipsi es adæquata & perfectissima mensura æternitatis.

IV. Quia igitur, ut firmiter credo, tam grandis est, Domine mi, tua excellentia, nunc toto meo corde, summa cum humilitate & reverentia, te adoro & veneror, & unâ cum spiritibus Beatis & Justis, te confiteor esse, qui es; & coram te humi prostratus reverenter me inclino,

clino, & profundissima humilitate submitto; & quia dignus es omni amore, te in æternum amabo, integro, & sincero amore. Et præterea pro gloriâ tuâ desidero, ut omnes creaturæ in æternum, te ament, agnoscant, reverentur, honorent & laudent; ideóque offero tibi meam vitam, vires, facultates, & quidquid habeo, vel possum habere.

V. Insuper gaudeo & exhilaror, quoties cogito, te esse tam magnum Dominum, infinitum, incomprehensibilem, immensum, immutabilem, æternum, & in te inveniri omnes perfectiones prædictas.

VI. Congratulor tibi intimo affectu cordis tuam tantam Majestatem, gloriam & beatitudinem, quam possides; & æternum possessurus es; ideo convoco omnes creaturas, ut mihi congratulentur dicendo: *Benedicite omnia opera Domini Domino, laudate & superexaltate eum in secula: &c.*

VII. Duplici superabundo consolatione, & jubilo, cum spero & considero istud ipsum tuum bonum futurum aliquando meum; quia illud mihi promissisti, promeruisti, præparasti, largitus es per Christum Filium tuum unigenitum, & Redemptorem meum; quo itidem tecum in æternum fruam, modò fidelis in amore tuo permaneam. *Satiabor cum apparuerit gloria tua.*

Potentia.

*Apud Deum omniaabilia sunt.**Matth. 19.*

I.

O Deus meus Omnipotens, tu es illa Potentia, quæ omnia, quæcunque vult, potest; & quæ nullam omnino infirmitatem admittit, neque unquam fatigatur operando: omnia ex nihilo producit, eadem facilitate ad nihilum itidem omnia reductura, si velit; nec quidquam illi resistere potest, sed omnia ipsi obediunt. O adoranda, tremenda, & religioso silentio veneranda Omnipotentia! Tu Rex sæculorum, per te ipsum omnia potes; à te instituta est, & dependet omnis potentia, omnis fortitudo, & energia omnium rerum. Tu, inquam, omnia ex nihilo creâsti, & sustentaculo tui influxus eadem conservas; & manu tuæ Omnipotentia te tenes illa quasi suspensa, ne recidant in nihilum suum. Tu Domine, per te ipsum potes dare, & agere non solum omne illud quod omnes homines, unâ cum SS. Angelis animo concipere possunt; sed etiam omne illud, quod infinita tua sapientia cogitare potest; cum Omnipotentia tua sit æqualis sapientia tuæ, & æqualiter se extendat & diffundat; quia hæc sola est regula, & mensura illius. Quam enim aliam habeat mensuram immensa Potentia, nisi ipsam immensi-

C 3

II. Com-

II. Complacito mihi, & gaudeo, Domine, de tanta tua Majestate: in cujus consideratione, rogo te, velis imprimere animæ meæ profundissimam reverentiam & humilitatem erga divinam tuam Majestatem. Placet mihi etiam, quod disponas, & statuas de me, & omnibus creaturis, secundum tuum beneplacitum: quia nemo potest tibi dicere. *quare sic facis?* omnia tua sunt, & opera manuum tuarum.

III. Fac Domine, ut cogitem semper hanc veritatem, te mihi præsentem esse, & manu tuæ omnipotentis mihi minitari fulmen æternæ damnationis, & ita te nunquam offendam. Da insuper fiduciam, & securitatem cordi meo erga te, ne ullum præter te timeam, & ne creatura ulla possit me separare ab amore tuo: nam quid sunt omnes aliæ creaturæ in conspectu tuo? vel quid mihi mali, sine tua permissione, possunt inferre? quod si tamen ab aliqua permittas me affligi, hoc ipsum Domine mi, cedit in meam salutem, & mihi cooperatur ad acquirendam vitam æternam. Et ideo omnem meam fiduciam pono, & repositam volo in te, potentissime Deus, ac Domine, Amen.

Sapientia.

A Deo profecta est Sapientia. Eccl. 15.

I.

O Sapientissime Deus, tu es, illa Sapientia, quæ

quæ comprehendit omne, quod potest excogitari : ignorantia in te nullum habet locum : omnes res scis, nec potes errare : quia perfectissimè, omnes res præsentès, præteritæ, futuræ, omnes possibiles, imaginabiles ; omnia, quæ sunt, & quæ non sunt, tibi Deus meus, sunt præsentia, & in sancto tuo conspectu posita.

II Tu es primarium signaculum omnium rerum : tu omnia tuâ puritate, & subtilitate penetras, & omnia pariter intimè disponis in omnibus. Et licet attingas, & penetres à fine usque ad finem. & à summo usque ad extremum ; nihilominus nulli rei te immitces ; neque à lue quapiam coinquinaris ; sed semper in tua pulchritudine, candore & sinceritate permanes.

III. Tu es auctor, & artifex ; tu exemplar, mensura, & finis omnium rerum, neque solum architectus illarum, quæ sunt, & acceperunt suum esse, & speciem à te ipsis impressam, visibiles, invisibiles ; sed etiam illarum, quæ non sunt, & omnipotentiâ tuâ fieri possunt, utique in infinitum longè plures ijs, quæ factæ sunt.

IV. O Sapientia admirabilis ! hæc amplectitur totam simul æternitatem, & intra se totam immensitatem capit, totam ad se trahit infinitatem, omnia in ipsa habent æternum esse, & æternam vitam ; caret principio & fine. & per omnia est immutabilis.

V. Placet mihi Domine, gaudeo, &

congratulor tibi istam tuam profundissimam sapientiam, quâ scrutator es cordium. Siego vel parum hanc tuam sapientiam imminuere, vel obscurare possem, ne agnosceret malitiam meam, & scelera mea; non facerem: imò potius vellem ipse destrui & annihilari, quàm ut vel unico puncto tua sapientia minueretur; per quam etiam humiliter peto illuminari intellectum meum, ut perfectè cognoscere possim pulchritudinem virtutis, & turpitudinē vitij; ut hoc fugiam, illam autem persequar, & magis magisque diligam id, quod ad gloriam, & honorem tuum cedat sempiternum, Amen.

Bonitas.

*Bonus es tu Deus, & in bonitate tua
dece me justificationes tuas Psalm.
118. v. 68.*

I.

Domine, & Creator omnis boni, tu bonus es, non hoc vel illo modo, non in hoc vel illo genere bonitatis, sed absolute, sine principio & sine; sine limitatione, sine modo, nisi eo quo sine mensura anticipas, & amplecteris omne bonum. Tu es ipsa plenitudo & universitas boni, cui omnes res, à suprema substantia creata, usque ad materiam nudam ac primam, debent omne suum bonum acceptum referre. Tu simplicissima essentia
tuâ

tuâ omnem excellentiam, omnem perfectionem, omnem beatitudinem, & omne bonum possides; nec Bonitas tua, & perfectio ullum habet limitem aut terminum; quia est primaria, neque ab ullo dependet.

II. A te omnia dulcia trahunt suam dulcedinem, omnia pulchra suam pulchritudinē; omnia lucida suum splendorem; omnia, quæ vivunt suam vitam; omnia, quæ moventur, suum vigorem; omnis intelligentia suam notitiam; omnia perfecta suam perfectionem; omnia demum qualicunque modo bona, suam bonitatem.

III. Tu magnus es sine quantitate, bonus sine qualitate, infinitus sine numero, formosus sine figura, æternus sine tempore, immensus sine loco, diffusus sine extensione, perfectus sine multiplicitate, altissimus sine situ.

IV. Tu centrum universi, ad quod naturali pondere omnes res tendunt; in quo omnia conquiescunt; à quo omnia sustentantur: in te sunt illecebræ omnis amoris, consummatio omnis desiderij, termin⁹ omnis motionis, satietas omnis appetitûs. Quâta est hæc vis tuæ summæ Bonitatis, ad cujus parvi radij splendorem tanto impetu currit omnis creatura! dum unaquæque illarum appetit particulare suum bonum, & ad illud totis viribus contendit: quod bonum nihil aliud est, quàm parvum signum tuæ bonitatis. Hoc omnem creaturam trahit; hoc in mundo tantum motum excitat; omne

quod in quacunque creatura movetur, agitur, operatur. Si levis umbra boni tanto impetu trahit, quanto magis trahet ipsa veritas? illa, inquam, pulchritudo & bonitas infinita, clarè visa, quæ tu es, dulcissimum & summum bonum.

V. Trahe mentem meam ad te, ô immensa pulchritudo, astringe eam ad te, super omnes res creatas, vinculo indissolubili, & ligamento æterni amoris. Quid quæram & desiderabo extra te, qui es plenitudo omnis boni; fons, finis, suavitas, vis, medulla omnis boni? Valeant ergo aliæ res omnes: te semper cogitem, amem: ad te contendam, in te detinear; te laudem, benedicam; & omnes vires animæ meæ, & tota vita mea tibi serviant. Omnes res transitoria, propter te viles, charæque sint: nulla alia ratione illas contemnere vel æstimem. Perfice me, secundum altissimum tuum beneplacitum, in cogitatione & amore tuo: commuta me totum in te ipsum, ut idem spiritus tecum fiam, Amen.

Sanctitas.

Non est Sanctus, ut est Dominus, 1.

Regum. 2.

1.

Domine, Deus meus tu diceris sanctus multis modis. 1. quia tua essentia est pri-

prima radix, & origo omnis sanctitatis; & puritatis. 2. quia est Objectum, & mensura omnis sanctitatis uno verbo, tu es principium efficiens, formale, exemplare, & finale omnis splendoris sanctitatis, quæ in creaturis reperitur. Et per te ipsum sanctus es; per essentiam tuam; nimirum sanctitate fundamentalī, obiectivā, & formali. Tam perfecta est sanctitas tua, ut nihil quidquam ei possit addi, vel demī; quia est sanctitas essentialis, & universalis!

II. Gaudeo, & complaceo mihi de ista tua sanctitate, fonte essentiali omnis pulchritudinis & puritatis; à qua omnes creaturæ intellectuales sanctificantur, & pulchritudinem istam accipiunt. Hanc sanctitatem proposuisti nobis imitandam, & non Potestatem, non Sapientiam, non Altitudinem Majestatis tuæ, cum dixisti: *Sancti estote, quoniam ego sanctus sum. Levit. 11.* Non postulas tamen à nobis tantam, quantam requirit eminentia sanctitatis tuæ; sed quantam cum gratia tua capere potest infirmitas nostræ naturæ.

III. Hanc tuam sanctitatem, & puritatem veneror, honoro, amo, & admiror Huic omnis reverentia, honor & amor debetur. Hæc præsentia suâ sanctificavit, & sanctificat totum mundum; unde quocumque me verto, præsentem te conspicio, & ubique existentem te veneror, laudo, honoro, & benedico; tanquam in sacro templo gloriæ tuæ. Singulari tamen modo animam meam, quæ multò capior

pacior est mundo corporeo, ad similitudinem Templi, cultui tuo sanctificasti, pro tua habitatione; & ideo intrâ me, in intimis animæ meæ te habitantem aspicere valeo; & in sancto silentio tecum ipso conversari possum, ibi te placare obsequijs; ibi te adorare, ibi à te istam sanctitatem & puritatem petere: id quod jam, Domine mi, toto corde, & viribus animi mei cupio facere, & impetrare.

IV. Conabor etiam, Domine, & nunc propono, totis viribus fugere omnes impuros, & inordinatos affectus, & omnes maculas animæ, quibus templum tuum violari, & profanari potest: quia, Domine, sine dubio, sicut necessario magnopere amas tuam sanctitatem, ita necessario magnopere odisti peccatum & sordes.

V. Tandem tibi, tanquam auctori, fini, regulæ, & exemplari omnis sanctitatis, à qua, ad quam, & secundum quam sanctificantur omnes res, in cœlo & in terra, sit gloria, benedictio, gratiarum actio, ab omnibus creaturis in cœlo & in terra, Amen.

Benignitas.

Ipse Dominus benignus est, Luca 6.

I.

TU, mi Domine, bonus diceris ratione perfectionis naturalis: ratione sanctitatis, & ratione beneficentiæ; quæ nomi-
nari

nari potest Benignitas ; & hæc nihil aliud est ,
quàm quædam naturalis tua propensio , tua
bona communicandi cum rebus inferioribus, &
creatis, pro capacitate cujusque illarum. O
quàm verè benignum te demonstras, Domine,
quia cùm nullius indigeres, tibi que ipsi suffi-
cientissimus esses, nihominus ex nihilo res o-
mnes creâsti, & ex suæ nullitatis abyssu edu-
xisti, dando eis essentiam, formam, pulchritu-
dinem, appetitum boni, fugam mali, vires, fun-
ctiones, impetum, motum, situm, modum,
perfectionem, & terminum; & cuique illa-
rum, quod ipsi commodum est, & amabile:
& hoc non ob tuam aliquam commoditatem,
vel utilitatem; sed ut ipsis bene esset, & pro
sua quæque capacitate participaret de tuis bo-
nis, gustarétque fructum tuæ benignitatis. Et
ideo omnes res te laudant, & tacitis vocibus
celebrant tuam benignitatem. *Cæli enarrant
gloriam Dei, & opera manuum ejus annunciat
firmamentum, &c. Psal. 18.*

II. Sed in genere nostro humano facile
omnium excellentissimè resplendet tua Beni-
gnitas. Tu ad imaginem, & similitudinem
tuam nos creâsti, & caractere vultus tui nos
signâsti: intellectum, memoriam, & volun-
tatem nobis dedisti, quibus participes efficimur
divinæ gloriæ, & beatitudinis tuæ; divinisque
auxilijs & ornamentis nos firmâsti, ut merere-
mur, & consequeremur tam præstantia bona.
Angelos etiam nobis custodes, & rectores as-
signâsti;

signâsti; tandem totum mundum creâsti, & plurimis bonis instructum pro habitatione & solatio nobis donâsti. Quid majus his beneficijs? & quid mirabilius excogitari potest, hâc tua benignitate? maximè cùm hâc omnia feceris, ut hâc ratione nos perduceres ad sedes cœlestes, participésque nos faceres tuæ beatitudinis.

Ergo totis viribus, & totâ meâ essentiâ gratias tibi ago, & innumerabiles gratiarum actiones refero tibi, Domine pro tam insigni benignitate, & omnes creaturas invito ad te laudandum, & benedicendum: *Benedicite omnia opera Domini Domino; laudate, & superexaltate eum in secula, &c.*

III Gaudeo, Domine, te tam benignum esse, & temetipsum dare, & descendere ad res infimas; curare infirmos, adducere abjectos, & exaltare humiles; & ubi major est paupertas, ibi te liberalius effundere tuas opes, & largiri auxilia: quod proprium est veræ Benignitatis. Doleo, & pœnitet me, non imitatum fuisse istam tuam benignitatem; quia fui savus, atrox, impius erga proximum meum; nec usus fui bonis fortunæ, & animi, in auxilium proximi; sed multoties contrarium feci. Ideo nunc toto corde humillimè à te veniam, pero, & propono, te adjuvante, me emendare, & esse benignus, sçavis, & amabilis erga omnes, ad imitationem divinæ tuæ Majestatis.

Quia ab ista tua benignitate proximè,

& immediatè provenit amor tuus, & diffunditur in omnes creaturas, quo communicare vis cum illis bona tua. Quare obsecro, velis igne isto accendere cor meum, ut fiam benignus, & charitate plenus, Amen.

Providentia.

Ecce Domine, tu cognovisti omnia novissima, & antiqua, Psal. 138.

I.

PROvidentia tua, Domine, gubernat omnia, à summo cœlo usque ad infimas partes terræ; à supremo spiritu, usque ad ultimum vermiculum. Hæc ab æterno omnes res cogitavit, concepit, distinxit, ordinavit: sine lege istius nihil omnino nascitur, nihil moritur, nihil operatur, movetur, quiescit. Hinc omnia, quæ carent ratione, tantâ cum ratione operantur, & tam ordinatè tendunt ad suum finem, homine excepto, qui dotatus libero arbitrio, ipsomet abutens, longissimè sæpe recedit ab ordine, divinæ, & particularis tuæ Providentiæ, proponendo sibi alios fines, contrarios illis, quos illa ipsi constituit. Neque ideo tamen ab universali tua providentia se subdubere potest; cum incidat in justas pœnas, propositas peccato, & peccatoribus: quò fit, ut etiam in improbis elucescat operatio divinæ tuæ providentiæ.

II. Vx

II. Væ mihi, qui toties quæsi subducere me à paterna tua providentia, & vivere volui secundum imprudens meum iudicium; & ideo dum volui me alienare à divina tua providentia, quæ me ducebat ad vitam; incidi in millenos errores, & peccata; & incurri justissimas pœnas, decretas ab ordine providentiæ tuæ misetis peccatoribus, ad gloriam infinitæ tuæ justitiæ, quam, dum stolidè me propiciebam à Benignitate, & Misericordia tua, vel invitus incurrebam; & ô me miserum! thesaurizabam mihi pœnas justitiæ: & dum subtrahere me volebam svavi jugo divinorum tuorum præceptorum, submittebam me durissimæ servituti dæmoniorum: & dum spernebam æterna præmia, promerebar æterna supplicia.

O stultitia sanguineis lachrymis deploranda! pœnitet; ah toto corde me pœnitet; humillimè que à te veniam, peto.

III. Obsecro te, Domine per omnia mirabilia dulcissimæ providentiæ tuæ, velis à me auferre hanc stultitiam, & dare gratiam, quâ semper ante oculos habeam hanc tuam providentiam; ut quidquid prosperi vel adversi acciderit mihi, ab ipsa mihi provenire intelligam, ac de manu tua pro magno beneficio accipiam. Hæc mea sit in adversis prima consolatio: Hæc in terroribus ingeneret mihi fiduciam, in periculis securitatem, in adversis tolerantiam, animi quietem in expectatione futurorum. Hæc auferat à me omnem sollicitudinem,

Misericordia.

65
tudinem, ut à sola benignitate providentiæ tuæ securus dependeam. Hæc dirigat omnes res meas, illasque gubernet usque ad finem, prout novit expedire ad gloriam tuam, & meam salutem. Quibuscunque medijs uti voluerit, prosperis, an adversis; honore, an ignominiâ; infamiâ, an bonâ famâ; abundantia, an penuriâ; infirmitate, an sanitate; vitâ, an morte; nihil recuso, nihil repudio: quidquid elegerit ipsa, & consultissimum judico, & exosculor.

Hoc unicum & antiquissimum meum desiderium & cogitatio est, voloque, ut semper sit, facere, loqui, cogitare, mi Domine, sicut tu judicas utile esse ad salutem meam, & gloriam tuam: ut in omni æternitate te contempler, admirer, amem, honorem, laudem, benedicam, in omnibus rebus, & super omnes res, Amen.

Misericordia.

Misericordia Domini plena est terra.

Psalm. 32.

I.

Misericordissime Domine, tu illa immensa Misericordia es, quæ excedit infinitè omnem miseriam, & malitiam nostram. r. enim tu eduxisti me ex nihili tenebris, & dedisti mihi vitam, & nobilem natu-

ram, factam ad imaginem tuam, & maximis ornamentis repletam intelligentiæ, judicij rationalis, memoriæ, voluntatis. 2. à statu naturæ, elevasti me ad statum gratiæ, faciendo me filium tuum. 3. à primis duobus statibus, alium nobilissimum adjunxisti; nimirum statum gloriæ: nam multò perfectiora, & excellentiora sunt dona gloriæ, quàm gratiæ. Ad hunc gradum immensa tua bonitas, & misericordia me destinavit.

Quare, ô anima mea, si obtinuisti secundum gradum, satage, ut evadas etiam ad hunc tertium; præsertim, quia habes tot adminicula ad consequendam tam magnam felicitatem; ut sunt sanctissima Sacramenta, relicta, & acquisita nobis à Christo Jesu, Domino nostro; qui nobis etiam, pro complemento beneficiorum, reliquit sanctissimum Sacramentum sui pretiosi corporis & sanguinis.

II. Ah Domine, illumina cor meum, ut possim cognoscere in mensam tuam misericordiam, cognitamq; magni faciam, & habeam semper ante oculos, pro regula; donec exeam ex hac misera vita: & ut anima mea obstricta tantâ benevolentia, & tã exquisitis beneficijs, cor respondeat toto corde, te amando, se dedicando, & obstringendo se sancto tuo servitio.

Tibi serviam, Deus meus, totâ vitâ meâ, nihil aliud cogitem, quàm facere, quod sit ad gloriam tuam, & ad eandem tanquam ad scopum misericordissimum omnes meæ actiones,

vires, ac talenta dirigantur. Aliud vires meæ nō intendant, spectent, quærant, quàm facere sanctam tuam voluntatem; & ut saltèm aliquâ in re correspondeam infinito tuo amorì, quo me semper persecutus fuisti, & ut tam magno benefactori non sim omnino ingratus.

III. Benedic anima mea Domino, & omnia, quæ intrà me sunt, nomini sancto ejus. Benedic anima mea Domino, & noli oblivisci omnes retributiones ejus. Qui propitiatur omnibus iniquitatibus tuis: qui sanat omnes infirmitates tuas qui redimit de interitu vitam tuam: qui coronat te in misericordia & miserationibus. Qui replet in bonis desiderium tuum, & sic renovabitur, ut aquila, juventus tua.

Benedicite mecum simul Domino omnes Angeli, & Archangeli; & vos omnes Virtutes & Dominationes, omnes Throni, Cherubini, & Seraphini; benedicite, inquam, & laudare, & iterum sine fine laudate communem Domnium nostrum, quia fecit nobiscum, non secundùm iniquitates nostras, sed secundùm magnam suam paternam misericordiam. Laudate illum Cœli, Terra, Mare, & omnia, quæ in eis sunt: Laudent & superexaltent eum in sæcula. Detur ergo Deo gloria ab omni creatura; benedicat, & gratias agat Domino, omnis creatura in omni loco Dominationis ejus: & hoc fiat in sæcula sæculorum?

Amen.

Iustitia.

Iustitia plena est dextera tua. Quis novit potestatem iræ tuæ, aut præ timore tuo iram tuam dinumerare? Psal. 89.

I.

Nullus Domine, dignè potest exprimere magnitudinem, & multitudinem suppliciorum, quæ peccatoribus præparasti; & assignasti olim perferenda, per Omnipotentiam tuam: Sicut misericordia tua est infinita, ita infinita est iustitia tua; quæ infinitis modis, non solum in futuro sæculo, sed etiam in isto, quod proprium est misericordiæ, contra peccatores manifestabitur: ut omnes discant te timere, & qui benignitate tuâ non moventur, saltèm tuâ severitate moveantur; quæ non sinet malum ullum impunitum, neque bonum ullum irremuneratum abire: quia apud te non est acceptio personarum, cùm sis iustissimus iudex.

II. Delectat me, Domine, placetque mihi hæc tua iustitia, quâ si vel tantillum possem te privare, ne posses punire peccata mea, non facerem: imò protestor, si malitiâ meâ, duritiâ & obstinatione nollem venire ad pœnitentiam; atque adeò sic induratus, impœnitens, desperatus mori vellem (quod utinam, Domine, nunquam, in æternum, permittas) hæc horâ protestor, & volo, ut iustitia tua locum habeat, mittatque me ad æterna supplicia; ut quia voluntariâ

luntariâ, & salutiferâ pœnitentiâ nolui glorificare misericordiam tuam, saltêm in tormentis glorificem justitiam tuam.

III. Sed, ô mi dulcissime Domine, dum ago hanc vitam, possum te per gratiam tuam provocare à tribunali justitiæ tuæ, ad tribunal misericordiæ: & ideo hâc horâ, pro semper magna fiducia, Domine, toto corde, totâ anima, totis viribus misericordiam tuam appello, téq; obsecro per Jesum Christum Filium tuum, velis mihi ignoscere, ne subeam tribunal justitiæ tuæ. Sanctè promitto, imposterum cum divino tuo auxilio, emendare vitam meam, & vivere, ut decet servum bonum; ut per veram pœnitentiam, svaviùs & dulciùs tua misericordia glorificetur, Amen.

Finis Ultimus.

Ego sum & Ego, principium, & finis, dicit Dominus Deus. Apocal. I.

L.

Quemadmodum tu, Domine mîses prima, & suprema causa efficiens rerum omnium; ita pariter es ultimus finis earundem, ac præcipuè creaturæ rationalis. Et ideo debeo longè recedere animo à creaturis, nullâmque in eis spem collocare, quia permultùm me impediunt; ne possim pervenire ad felicem, & ultimum meum finem, propter quem me creâsti; qui es tu verum, unicum, & maximum meum bonum.

Uade

Unde nihil mihi magis cordi esse debet, quàm ut conjungar tibi visione, amore, gaudio; in qua unione consistit meum summum bonum, & summa tua gloria. Quare ut stercora aestimo omnes delectationes, & illecebras hujus vitæ, in comparatione hujus maximi boni. Et ex hoc momento temporis, diiugo omnes meas cogitationes, opera, & desideria ad hunc finem; necque fatigabor, aut desistam, donec ad eundem perveniam.

II. Sed quia ex me ipso non sum aptus ad tam magnum bonum; ad te, ô misericordissime Deus, recurro; ut per immensam bonitatem, qua creâsti mundum, & factus es homo, & postea propter nos mortuus; perq; alia infinita beneficia mihi præstita, & per æternum beneplacitum tuum, quod me prædestinâsti ad tam sublime fastigium gloriæ; nolis desistere esse meus benefactor: quamvis ego sim ingratiſſimus, & negligentissimus, dum tempus habeo vacandi bonis operibus; sed hoc ipsum potius tuam benignitatem incitet, ut tantò magis me adjuves, ac protegas, quantò ego sum infirmior. Recordare obsecro, finis ad quem ab æterno me destinâsti, ne irritum sit in me, sanctissimum consilium, ac desiderium tuum; illumina mentem meam lumine sancti tui Spiritûs, quo directore possim perfectè cognoscere vanitatem hujus mundi, & pericula, quæ in ipso inveniuntur, & ex altera parte intelligam quoque magnitudinem, excellentiam, & varietatem bonorum immensarum,

mensorum, quæ mihi in te ipso præparasti, pro quibus toto corde tibi gratias ago, & omni vanitati lubens renuncio.

III. Fac, mi Domine, ut mens mea aliud non cogitet, neque aliud intellectui meo firmiter imprimatur, quàm hic ultimus finis: ut spre- tis per omnia omnibus caducis & temporalib⁹, me protinus eleveam ad amandas res æternas, & hunc felicem & ultimum meum finem. Nunquam defatigentur mea bona desideria, nec suspiria, nec gemitus propter illam felicem Patriã, neque ego unquam cessem pugnare contra me ipsum, quemadmodum etiam nunc propono facere, donec perveniam ad terminum hujus vitæ, quando omnes sancti requiescent in te summo bono, & sine nostro, per visionem, & amorem, & ineffabilem consolationem, cum pervenerint ad consummationem adimpletæ suæ intentionis, ac desiderij tam oprati & expectati, nimirum ultimi finis, & summi boni, pro quo tam heroicè decertaverunt, usque ad gloriosissimam victoriam, Amen,

Conclusio Amorosi pacti cum Deo.

TAndem, dulcissime mi Domine, quia cognosco te esse unicum meum bonũ, ultimam meam felicitatem, & beatitudinem, nullo pacto debeo me à te separare, sed semper tecum esse unitus, & conjunctus. Quare desidero, & operam dabo: ne momentum ullum temporis prætereat, quo

quo non confirmem ea, quæ ſuperiùs annotavi, & conſtitui. Et ut hoc aſſequi poſſim, cupio nunc, quâ poſſum reverentia & humilitate, cum tua divina Maieſtate inire pactum, & perpetuo ſadere ſancire, ut quemadmodum quoad vixero nunquam ceſſabo reſpirare, ità nunquam ceſſem in te credere, te amare, te laudare, gratias tibi agere, me offerre, me tibi reſignare, in te ſperare, gaudere, & abhor-
rere à mundo, velut à peſte, habere zelum hono-
ris tui, & ſalutis animarum, te timere, me humi-
liare, pœnitentiam agere, ſancta proponere, & a-
mare proximum meum. Diligere quoque caſtita-
tem, paupertatem, obedientiam; & petere à te,
quæ ſuprà petivi. Præterea te cognoscere, adorare,
& te Deum Infini-
tum, Immenſum, Immutabi-
lem, Æternum, Omnipotentem, Sapientem, Ro-
num, Sanctum, Benignum, Providum, Miſeri-
cordem, Juſtum, & Ultimum noſtrum Finem,
confiteri. Et ideo nunc, omni humilitate, coram
divina tua Maieſtate, & tota curia cœleſti prote-
ſtor, quòd cupiam toto corde, totâ illâ virtute,
puritate intentionis, & efficaciâ, quâ maximâ poſ-
ſum, omnia iſta obſervare, quæ ſuprà notavi, &
dixi, quoties reſpiravero; & quoties aliquo actu,
qui tibi placuerit, me ad te convertam. Accipe Do-
mine illum nunc, & pro illo, & pro omni tempo-
re. Atque hoc animi mei deſiderium ratum, con-
firmatùmque ſit, gratioſiſſimo beneplacito
tuo in æternum, Amen.

F I N I S
Affectuum Blaſij Palmæ.



AFFECTUS

erga Personam

DOMINI JESU,

EX R. PATRIS

FRANCISCI BOURGOINEI

Presbyteri Congregationis Oratorij

Meditat: Classe IV.

Prima Praxis

Adorationis, erga D. IESVM.

I.

IN honorem & unionem dignissimi, & divinissimi primi illius Actus Adorationis, quem anima Jesu è nihilo creata, & unita Divinitati, erga Deum, & ipsam divinitatem exercuit, in primo suæ creationis, & jam factæ incarnationis instanti.

2 In honorem, & unionem status ejusdem animæ perpetuò Deum adorantis, modo ineffabili, in vita mortali, & in æternitate sua.

3. In honorem, & unionem primi actus adorationis excellentissimi, quem MARIA, mater Dei exercuit, erga Dominum Jesum tum proximè post ejus incarnationem, tum post Nativitatem in præsepi.

D

4. In

4. In honorem perpetui affectûs, & statûs adorationis sanctissimæ Virginis, erga Jesum Filium suum, præsertim in ejus infantia, quando illum lactabat. tractabat. & intuebatur.

5. In recollectionem, & unionem primæ adorationis Angelorum, erga Jesum infantem, in momento suæ Nativitatis, juxta Dei mandatum: *Cum iterum introducit primum genitum in orbem terrarum, dicit: Et adorem eum omnes Angeli Dei.* Hebr. I.

6. In recollectionem, & unionem omnium adorationum, quæ Domino Jesu super terram exhibitæ fuerunt, ut à Magis, à cæco nato, & alijs.

7. Denique, in honorem, & unionem perpetui cultûs adorationis Angelorum, & Beatorum in cœlis erga Jesum, hominem Deum, & ejus humanitatem.

Prima Fiat praxis adorationis erga Dominum nostrum Jesum Christum, secundum primum statum, in sinu Patris, ab æterno residentem. 1. illum agnoscendo verum Deum de Deo vero, Patri consubstantialem, ejusdem Majestatis & gloriæ, ac rerum omnium Dominum. 2. nos tanquam creaturas, & servos, illi ex toto affectu submittendo 3. illam submissionem omnibus modis, ac præsertim per humillimam nostræ servitutis oblationem proestando.

Secunda Adoratio fiat Domino Jesu in secundo statu considerato. 1. illum confiten-

do,

do, & agnoscendo verum, & unum cum Patre Deum, (humanæ naturæ unitum) & cum illo Spiritum sanctum producentem. 2. ipsam humanitatem, quatenus in Verbo subsistit, infinitæ dignitatis, & sanctitatis, & divino cultu honorandam, intuendo. 3. ipsam hominem Deum, ex humanitate & Verbo admirabile compositum, Jesum Christum, Mediatorem Dei & hominum; tamquam nostri cultus & adorationis objectum. Sub hoc triplici intuitu nos illi totos subijciendo, & nostram erga ipsum, ejusque sanctissimam humanitatem, quibus debemus, & possumus modis, infirmam servitutem protestando.

Tertia Fiat praxis adorationis erga Dominum Jesum, in tertio, & spirituali, erga animas statu, consideratum. 1. illius supremum in omnes animas, & spiritus, tam in cœlis, quàm in terra, & apud inferos, imperium & potestatem agnoscendo. 2. nos totaliter ejus S. Spiritûs, suaviter & fortiter operantis, potestati committendo, & subijciendo 3. hanc submissionem omnibus modis interiùs, exteriùsque protestando.

Secunda Praxis,

Honoris, Æstimationis, & Reverentia.

I.

IN honorem, & unionem summæ reverentia,

D 2

tiæ, quam & primum ab instanti incarnationis, & deinceps perpetuò in vita mortali, & æternum in cœlis anima Jesu exhibuit, & exhibet Divinitati, sibi intimè, & hypostaticè præfenti.

2. In honorem, & unionem omnium actuum, & status continui humillimæ Reverentiæ; quam Virgo Deipara Filio Dei, Filio suo, homini Deo, & ejus humanitati exhibuit in terris, & quâ æternum in cœlis illum intuetur & reveretur.

3. In honorem, & unionem intimæ æstimationis, honoris, & reverentiæ, quâ dilecta mulier, & multum diligens Magdalena, stans aut sedens secus pedes Jesu, aut juxta crucem, aut ad monumentum, aut in solitudine, suum Magistrum & Dominum, sicut illum vocabat, perpetuò coluit, & honoravit.

4. In recollectionem, & unionem omnium, tam Angelorum, quàm hominum agentium in terris, & in cœlis beata illius præsentia perfruentium, qui illum cum profunda reverentia intuendo coluerunt, vel nunc facie ad faciem, ejus divinitatem reverenter, & trementer intuentur.

Prima Fiat praxis circa ipsum Esse divino-humanum Jesu Christi, Domini nostri: ipsum maximi in apprehensione nostra æstimando: scilicet super cœlum, super terram, super Angelos & homines, super omnia creata, tam facta, quam possibilia; illudque quasi nobis

bis dictū audiendo: *Joann. 4. O Si scires donum Dei, & quis est, &c.* item illud *Matth. 12. Plus quàm Iudas: plus quàm Salamon: plus quàm omnia, est hic.*

2. Illam æstimationem protestando, & testificando; tum coram Leo, qui est inspector cordium, per affectus: tum coram Deo & hominibus, prædicando, & debitum cultum exhibendo. 3. Demum, magna animi submissione reverendo; hoc est, nos corā Jesu humiliando, secundum proportionem distantie nostræ vilitatis & nihili, ad ipsius Majestatem, & excellentiam comparati. *O tu quis es, Domine, & quis ego sum?*

Secunda Fiat praxis reverentiæ ijsdem actibus æstimando, honorando, & reverendo omnem potestatem, excellentiam, & dignitatem infinitam, ac divinum Spiritum Domini Jesu agentem in ipso, & omnia in omnibus operantem.

Tertia Sit circa diversas operationes, cum divinitatis in humanitate, tum humanitatis erga divinitatem; tum denique ipsius animæ Jesu tam interiores, quàm exteriores erga nos: per eosdem magnæ æstimationis, summi honoris, & reverentiæ actus, suprā positos: & circa ista, hi in summa actus possunt elici; attentissimè intueri, magni æstimare, devotè colere, humillimè subesse, affectuosè amare, profundè se demittere, summè revereri, denique apud omnes laudare, benedicere, & prædicare

dicare Domini nostri Jesu Christi Ex-
tiam & Majestatem.

Tertia Praxis
Oblationis Vitæ nostræ

IESU

I.

IN honorem, & unionem primæ obla-
tionis animæ Jesu, ab instanti indagatione
Deo Patri factæ.

2. In honorem, & unionem perpetui
statûs exhibitionis totius humanitatis Jesu, co-
ram Deo Patre, per modum hostiæ & victi-
mæ pro salute mundi, in vita sua mortali.

3. In honorem & unionem illius specia-
lis & spontaneæ oblationis, quam Dominus
Jesus fecit Deo Patri ad Passionem, & mor-
tem crucis, in oratione, & agonia sua.

4. In honorem, & unionem primæ ob-
lationis, & perpetuæ exhibitionis sui, sanctis-
simæ Virginis, erga Jesum Filium suum, &
Deum suum.

5. In honorem, & unionem omnium
interiorum actuum, & statuum oblationis, &
consecrationis amantis Magdalenæ, & aliorum,
qui in terris Domino Jesu adhæserunt, ac ean-
dem omnium animarum sanctarum.

Fiat *Prima* oblatio vitæ nostræ naturalis,
& omnium, quæ illam constituunt, aut ab il-
la dependent, ut corporis, animæ facultatum,
&

& sensuum, &c. Vitæ Domini Jesu passibili, & mortali. 1. illi sine reservatione vitam nostram exhibendo. 2. Ei totaliter donando, & irrevocabili proposito nos consecrando. 3. respectum, & intuitum humillimæ dependentiæ vitæ nostræ, & laborum ejus, ab illa vita laboriosa Jesu, in nobis constituendo, aut potius postulando. 4. honorando intimo affectu omnes misérias, infirmitates, & indigentias, ad quas se Jesus Christus verus Deus, demittere voluit, eisque nostras, ejusdem generis, naturales molestias, & necessitates uniendo; ut ab illis à sece eleventur, & in ipso sanctificentur, tum etiam alias casuales, quæ nobis invitis accidunt.

Secunda Fiat oblatio vitæ nostræ spirituales per gratiam, & omnium statuum, & dispositionum animæ, vitæ Domini Jesu divino humanæ. illi magno affectu adhærendo. 2. ab illa influxum vitæ, & spiritum suscipiendo. 3. ab illa dependendo ut à vite palmites pendent. 4. se illi totaliter committendo: denique hos affectus, & dispositiones adhæssionis, dependentiæ, & participationis ab illa humiliter postulando.

Tertio Oblatio fiat æternitatis nostræ, & vitæ futuræ, vitæ Jesu Christi Domini N. gloriosæ. 1. illam intuendo, & honorando, tanquam exemplar, objectum, fontem, & causam æternæ nobis in cœlis gloriæ, quasi audiamus Jesum clamantem & dicentem: Matth. 6. *Ecce merces vestra copiosa: vel, Ego ero mer-*

ces vestra magna nimis. 2. summo affectu cupiendo, & sperando, beatissimo tandem aspectu Jesu Christi in cœlis perfrui. 3. totam æternitatem nostram, ad illius gloriam, & voluntatem adimplendam purissimè referendo, & dedicando; ut non gloriam nostram, sed solius Jesu Christi quæramus, & optemus in æternum. Hæc sit vita nostra æterna illum honorare, glorificare, reverèri, & amare; non quia inde beati, & felices efficiemur; sed ut magis ipse gloriosus appareat: adeò ut si amor Jesu esset apud inferos cum tormentis, infernus esset noster Paradisus; quem optare & præferre omnibus cœli delicijs, si sine amore Jesu esse possent, deberemus.

Quarta Praxis.

Renovationis in proposito & Spiritu perfectionis Ecclesiastica.

I.

IN honorem, & unionem perfectissimæ, nunquam interruptæ, ac sine ulla renovatione continuæ præsentis Spiritus animæ Jesu ad divinitatem.

2. In honorem, & unionem attentionis, & applicationis, cum in Actu, tum in statu permanenti voluntatis, intellectûs, & omnium facultatum, ac totius animæ **M A R I A** erga **J E S U M.**

3. In

3. In honorem primi luminis, & infusionis gratiæ, quâ Jesus amantem discipulam Magdalenam, ab ipsa primùm ad se; ab amore creaturarum, ad amorem sui; a plurimis, ad unum necessarium convertit, & totam renovavit: in honorem quoque omnium Vitæ ejus instantium, quibus illam in novo gratiæ statu semper renovavit.

4. In honorem quoque primi instantis, quo Jesus Apostolum è Saulo in Paulum, è persecutore in prædicatorem mundi; ex lupo in agnum commutavit; & sic renovavit: ac tandem conversionis animarum, quas Jesus ad se traxit, & convertit; omnium denique instantium, quibus animas pias, & sanctas novâ gratiâ adaugendo renovavit, sicut canebat Psaltes: *Renovabitur, sicut aquila, juventus mea.*

Sequatur Praxis triplex renovationis. *Prima*, quæ primam perfectionem Domini Jesu respiciat, & revereatur, circa propositum omnis perfectionis Ecclesiasticæ, quæ est Evangelica, acquirendæ. 1. Audiendo vocem Christi dicentis; Matth. 5. *Estote perfecti, sicut Pater vester perfectus est*: Jesus est Dominus, & Magister noster, qui loquitur; & nos ad imitationem Patris cœlestis, tamquam filios invitat. 2. Renovanda in affectu omnia pia desideria, cogitationes, proposita firma, & sæpius repetita, quæ unquam infudit divina bonitas, tendendi, & perveniendi ad perfectionem,

D 5 quam

quam Iesus ipse verbo & magis exemplo nos docuit. 3. Rogando Dominum JESUM, ut dignetur illa omnia in nobis renovare, excitare, & accendere; ac si hæc præsens hora esset nobis prima & ultima; denique & in centuplum adaugere.

Secunda Renovatio fiat circa statum, & Spiritum vocationis nostræ, intuendo alteram perfectionem Domini Jesu in omni plenitudine gratiarum. 1. hanc nostram vocationem concipiendo, tanquam fontem, è quo nobis fluunt omnes aliar gratiar, & statum illas in se continentem, & cui debeat in cœlis gloriæ status respondere. 2. illam proinde magni æstimando, & faciendo, ne cadat in nos illa exprobratio: *Pro nihilo habuerunt terram desiderabilem.* 3. illi fideliter & plenè cooperando, & se dignum exhibendo Christi Domini ministrum & servum. 4. Singulis diebus illius æstimationem, & desiderium renovando: petirà scilicet pro defectibus contra illam admissis, veniâ, & accenso novo fervore, & proposito.

Tertia Renovatio fieri potest circa specialem internæ vocationis gratiam, & tractum interiorem sancti Spiritus in nobis, ad cultum & honorem divini status, & perfectionis Christi Jesu, ut est Homo-Deus. 1. Se illi totaliter, sine limitatione, aut reservatione offerendo, ad omnia ejus beneplacita, dicendo: *Domine quid me vis facere?* Act. 9. 2. discutiendo semel in die, quid in nobis sit, quod potissimum divi-

næ gratiæ influxum sistat, & impediatur: quis defectus, quæ adhæsiō, & amoris proprii latebra: illud radicitus in affectu avellendo. Deinde quid illud sit, quod De^o à nobis magis requiratur, & velit; quid nostro agendi modo addi, quid detrahi, quid circa illum mutari, & emendari conveniat. 3. firmum concipiendo, & renovando propositum id peragendi, quod erit in se perfectius, & melius, Christo Domino gratius; & ad ejus majorem gloriam tendet.

Quinta Praxis,

Vnionis, solitudinis, & recollectionis interna ad unum necessarium.

I.

IN honorem hujus altissimæ veritatis Christi Domini: *Ego & Pater unum sumus.* Joann 10.

2. In honorem tum unionis humanæ cum divina natura in hypostati, tum ex consequenti omnium aliarum ineffabilium unionum amoris, gratiæ, & voluntatum utriusque naturæ.

3. In honorem omnium admirabilium unionum, & communicationum, quæ sunt nobis absconditæ, inter JESUM, & MARIAM.

4. In honorem, & unionem hujus Voti, & Orationis Domini Iesu ad Patrem: *Pater, sint unum, sicut & nos unum sumus, sic in nobis unum sint, & sint consummati in unum.*

5. In honorem unionis humanæ naturæ

in Christo cum divina ; quia nulla unquam in simile consortium creatura admittetur.

Sequatur triplex Praxis unionis nostræ , & recollectionis ad JESUM.

Prima, tanquam ad primum principium , & finem nostrum ultimum , & unicum ; quæ primam Christi Domini cum Patre unitatem adoret. 1. ad illum , & ad ejus gloriam , & voluntatem adimplendam , actu dirigendo omnia nostra dicta , facta , & cogitata ; deinde omnia nostra , tam interiora , quàm exteriora , & nos ipsos. 3. illum in omnibus suscipiendis , & alijs , tanquam scopum intuendo , & ab ipso cujuscunque rei , per vocationem capiendo primordia. 3. Renunciando amoris proprio , & nostram intentionem , quantum fieri poterit purificando , ut purè , & sine admixtione terrenæ , aut propriæ facis , ad JESUM tendat.

Secunda Sit , quæ alteram subsistentiæ divinæ , in utraque Christi Domini natura , unitatem respiciat , solitudinis & recollectionis ad Dominum JESUM , tanquam ad unum necessarium. 1. illud sæpe affectu repetendo : *Vanitas vanitatum , præter amare IESVM , & illi soli servire* : & hoc nobis in vita , & æternitate est unum illud necessarium. 2. ut solebat S. Catharina Senensis , penetrare intimum cordis sui referendo Domino Jesu , ibi solum cum solo sæpius se intelligendo : ibi audiendo veritatem intus loquentem. 3. Marthæ aliquando partem relinquendo , hoc est , plurima , circa quæ

quæ erat occupata, & turbata; & in quiete Orationis partem optimam Mariæ eligendo, quæ est illud *unum necessarium*; hoc est, ut per veram animi sive voluntatis, aut exterioris applicationis sensum, simplicitatem, nova, inutilia, curiosa, superflua, aut quæ ad nos non pertinent, quæ officium nostrum, obedientia, vel charitas non præscribit, & de quibus Deo rationem reddituri non sumus; illa, inquam, *plurima* omittamus, & *unum* eligamus: *uni* non solum intentione, sed cum majori recollectione, & unitate actionum applicemur. 4. ut in oratione cum Deo nos simpliciùs geramus, atque humiliùs, non nostris fidendo conatibus; sed magis nos Deo totos committendo, & ab eo eleemosynam solum petendo.

Tertia Erit unionis, & adhæſionis cum Christo Domino in omnibus, quæ tertiæ, quæ habet, & vult nobiscum habere, respondet unitati. 1. nos totos illi exhibendo, offerendo, & uniendo, tamquam membra capiti, animas animæ, corpora corpori, corda cordi, Spiritus Spiritui, desideria & omnes voluntates sanctissimæ voluntati, denique vitam vitæ Domini Jesu. 2. magis in particulari, vel quotidie assumendo aliquod punctum & mysterium Christi Domini, cui nos omnia nostra uniamus; vel ad singulas actiones, aut quæ occurrunt toleranda, aliquid seligendo Domino Jesu conforme, cui illa dedicemus: ut in exercitijs humiliationis, spectando humiliationem aliquam e-

jus in particulari; in miserijs hujus vitæ, easdẽ, quas ipse sustinuit pro nobis, infirmitates honorando. 3, ista tria differunt, honorare, offerre, & unire: primum enim continet animi submissionem, cum testificatione internæ excellentiæ; quæ in Christo Domino elucet: secundum verò obsequium, quod ipsi aliquo facto, & opere exhibemus, ad illam testificandam; tertium verò est, nostras aliquo modo actiones Jesu Christi actionibus copulare, quo fiat, tum ut nostræ ab illis sanctificentur, eleventur, & quasi unguento ejus gratia perfundantur: tum ut nostræ esse desinant, & Christi esse incipiant, ut paululem aquæ, in vini doliolum injectæ, vim suam & naturam perdit, & in vinum transmutatur; non quòd naturali, & vitali modo non nostræ esse queant; sed quòd per hanc unionem fiant etiam supernaturales, & ad sublimiorem gradum sanctitatis eleventur: quâ ratione solius sint Christi, & non nostræ.

Sexta Praxis,

Humiliationis erga Christum Dominum, ex Professione nostræ indignitatis, ipsius suprema dignitati comparata.

IN honorem, & cultum humillimum divi-

næ, & infinitæ dignitatis Jesu Christi in divinitate suâ, & in Majestate personæ æternæ; quâ infinitâ gloriâ, & obsequio dignus est: quod à seipso solo sibi condignè potest exhiberi.

2. In honorem supremæ, & infinitæ dignitatis, quæ naturæ humanæ in Verbo subsistenti, per unionem communicata fuit; quâ digna est Deum, supremo, & infinito cultu, atque ejus infinitati respondente, colere, adorare, & glorificare.

3. In honorem, & reverentiam ejusdem dignitatis Christi erga nos, quâ dignus est, omnem gratiam nobis promereri, omnes animas creabiles sanctificare, omnia peccata possibilia delere, &c

4. In honorem dignitatis Christi Domini, quâ ipse dignus est adorari, glorificari, & amari in æternum ab omni creatura.

Sequatur praxis humiliationis erga Jesum, seu triplex confessio nostræ vilitatis, & indignitatis.

Prima Sit nostræ pravitatis, abjectionis, humilitatis, nihili; & quod pejus est, indignitatis in natura, ipsi dignitati Christi Domini, ut Deus est, & ut homo Deus, ex adverso oppositæ, ex qua 1. sumus verè coram ipso nihil in omnibus; in anima, in corpore, in principio ortûs, in progressu vitæ, & in fine; quia ex solo Dei concursu subsistimus. 2. a. omnem Dei gratiam, aut beneficium, sumus impotentes, & ex nobis iadignissimi: hanc utramque agnovit

Virgo

Virgo humillima: *Respexit Deus humilitatem*, hoc est, abjectionem, nihil, & indignitatem *Ancilla sua*. 3. ad omne malum sumus impotenter potentes, capaces, & proni; & nisi Dei nos perservaret misericordia, in omnia labi possemus. O Domine, *tu quis es, & quis ego sum?* ut identidem S. Franciscus repetebar.

Secunda Fiat confessio nostræ indignitatis ex peccatis contractæ, alteri dignitati Christi Domini, quâ ut Sanctus Sanctorum est, & ex communicatione idiomatum, omni honore dignus; ac 1. sumus ex nobis pauperes, & nihil habentes, sumus indigentes omnium, & mendici, omnia à Christo Domino mendicatum accipientes, similes sanè illi, *qui incidit in latrones, qui despoliarunt eum*. Luc. 10. 2. Sumus ad omne bonum gratiæ, & meritum æternæ vitæ, omnino ex nobis ipsis impotentes: *sine me*, inquit Dominus, *nihil potestis facere*, & Apostolus: *Non sumus sufficientes cogitare aliquid à nobis, quasi ex nobis*. 3. fateamur nostrâ, coram Christo Domino, indignitatem, ex malitia voluntatis ac perversitate intellectûs; ad desiderandum, quod nobis conveniat; & ex ignorantia in intellectu, ad illud sciendum, aut intelligendum, quod gloriæ Dei, & salutis nostræ magis expediat: quæ duo sunt peccati effectus pestiferi.

Tertia Inquatur ex ijs. 1. altera confessio nostræ iudignitatis, quâ digni sumus, quos Deus in massa perditionis relinquat, & omni
gra-

gratiæ privet auxilio; ob tot defectus, & abusus commissos ipsius divinæ gratiæ qui enim acceptum talentum non dat ad usuram, non solum indignus est, cui plura credantur; sed etiam meretur, ut ab illo, quod habet, auferatur. 2. intueamur, revereamur, & toto affectu diligamus hanc maximam Jesu Christi dignitatem, atque humanitatis ejus, quæ digna est omnia delere peccata, & omnes animas sanctificare. 3. ad illum tandem recurramus, tamquam omnes nostros defectus, & indignitates, suâ dignitate infinita suppletem: petamus proinde illi adhærere, & uniri, illam Deo Patri in supplementum efferre; ut sicut Jacob, hædinis pellibus opertus, Patris benedictionem obtinuit; sic Christi Domini meritis, & dignitate nobis applicatâ, Dei misericordiam impetrare possimus.

Septima Praxis,

Amoris in Domnium IESVM.

TRiplici sanctitati, & gratiæ Jesu Christi, triplex in illo responderet amor; *Primus* est divinus, æternus, infinitus, & Deus ipse; quo per communicationem idiomatum, homo Jesus Patrem amare dicitur: qui ex unione nascitur. *Secundus* est ex plenitudine gratiæ in Christo procedens, quo humanitas Jesu diligit Deum, plusquam Angeli, & homines in æternum, unde ait; *Diligo Patrem, & sicut mandatum dedit mihi Pater, sic facio.*

Ter-

Tertius est respondens gratiæ capitis, quoniam Jesus tamquam caput nostrum nos amat. *Dilexit, & lavit nos à peccatis nostris in sanguine suo.*

In honorem igitur hujus triplicis amoris Jesu Christi, triplex in ipsum Praxis amoris exerceatur.

Prima igitur praxis, sit amoris erga Jesum, in primo statu, sanctitate, & amore consideratum: ac 1. diligamus Jesum, quia ipse est in se infinito amore dignus; quia est ipsa divina sanctitate sanctus; quia est æternâ bonitate bonus; cuius essentia est bonitas; & qui nobis, ut sic, est summum nostrum bonum; omnis Angelorum & hominum amoris Objectum in æternum. 2. diligamus Jesum, quia ipse non solum infinito amore dignus est, sed infinito amore amans, & diligens Patrem, hunc æternum amorem Filij in Patrem, profundè adoremus, & amemus. 3. diligamus Jesum, quia *Pater diligit Filium, & omnia dedit in manu ejus*, quia ipse infinito, & divino amore à Patre diligitur.

Secunda praxis amoris, sit erga Jesum, in secunda sanctitate, & plenitudine omnis gratiæ spectatum. ac 1. diligamus Jesum, quia ipse dignus est in hoc statu, quia est admirabile amoris compositum; quia ex amore homo factus, & de Spiritu sancto (qui est amor Deus) conceptus est; quia est ejusdem S. Spiritus operationis (quæ est amoris) terminus; quia est objectum in se amoris dignissimum; quia ex plenitudine gratiæ, & thesauris sapientiæ Dei, habet

bet dignitatem, & bonitatem, super omne, quod est, vel esse potest. 2. diligamus JESUM, quia in hoc statu creato, Pater illum diligit; Spiritus sanctus diligit, tota Trinitas diligit; quia ipse ut homo, & in humanitate suâ, est dignissimū complacentiæ Patris objectum, de quo ait: *Hic est Filius meus dilectus, in quo mihi bene complacuit*; quia per illum solum possumus à Deo diligi, & complacere Patri. 3. diligamus JESUM, quia ipse per amorem gratiæ creatæ, diligit Patrem amore perfectissimo, continuo, & nunquā à primo incarnationis momento, interrupto, vel in æternum interrompendo; & cujus unicus actus, amore æterno, omnium Angelorum, & hominum, sit dignior, Deoque acceptior; quia denique hoc amore, humanitatis suæ, omnem amoris in creaturis defectum supplet. O JESU, super omnia diligende, super omnia Deum diligens, & super omnia dilecte, diligam te in omnibus, & super omnia, ut te, qui solus es dignum amoris & objectum, & præmium, omne desiderium superans, in æterna tandem felicitate consequamur.

Tertia praxis exerceatur erga JESUM Christum in tertio statu, per respectum ad nos: ac 1. diligamus JESUM, quia ipse est caput nostrum, nosque membra ejus; ipse est Pater, nos filij, ipse sponsus, nos ejus delicia; ipse Dominus, nos servi; ipse Pastor, nos ovæ pascuæ ejus; ipse Salvator, nos ejus sanguinis pretio magno redempti, 2. diligamus JESUM, quia prior di-

lexit

lexit nos; quia cū dilexisset, homo factus ab
 initio, *in finem*, & in mortem, utque dilexit nos;
 quia ex amore nostri tot labores, & dolores, ac
 mortem acerbissimam sustinuit; quia ardentis-
 simo desiderio, & siti salutem nostram concu-
 pivit; quia pro nobis singulis ita passus, ac si pro
 solis; quia nunquam in æternum nos amare
 cessabit. O quanto amare dignus tam antiquus,
 tantus, & tam perseverans amator! 3. diliga-
 mus Jesum, quia ipse est Deus noster, homo
 noster, & unicuique dicit: *Omnia mea tua sunt*,
 quia cū *in forma Dei esset*, æqualis Patri, pro-
 pter nos homines, & propter nostram salutem,
formam servi accepit, & homo factus est; quia
 suum corpus & sanguinem in Altaris sacra-
 mento, cibum & potum animarum, præ nimio
 amore, reliquit; quia ipse innocens pro pecca-
 toribus, justus pro injustis, sanctus, pro ingra-
 tissimis, in cruce mortuus est; quia applica-
 tione meritorum suorum, per Spiritum sanctum
 & infusionem gratiæ suæ, sanctificat animas
 nostras; quia nos in cœlis glorificabit, & utrum-
 que sensum beatificabit, & reficiet, oculum
 cordis in visione suæ divinitatis, & oculum cor-
 poris præsentia humanitatis suæ. Diligam te,
 ô Domine Jesu, *fortitudo mea*, per incarnatio-
 nem: *firmamentum meum*, per sacram Eucha-
 ristiam; *refugium meum*, per crucem, *Liberator*
meus, per gratiam, & gloriam æternam. O
 Domine Jesu Christe, qui dixisti: *Petite*, &
dabitur vobis, quarite, & *invenietis, pulsate*,

& aperietur vobis : quæsumus, da nobis petentibus, divinißimi tui amoris affectum, ut te toto corde, ore & opere diligamus, & à tua nunquam laude cessemus. *S. Augusti. in Psalm. 17.*

Octava Praxis,

Servitutis erga Dominum IESVM.

Primò, in honorem & adorationem formæ Dei, quam Jesus habet in Patre, ut Patri æqualis.

Secundò. In honorem filiationis ejus naturalis, quâ ab æterno procedit à Patre, & ad quam per unionem hypostaticam est erecta in Christo natura humana.

Tertiò. In honorem & piam recollectionem formæ servi, quam Jesus accipere voluit, in similitudinem hominum factus, Phil. 2.

Quartò. In honorem omnium obsequiorum, & servitiorum, quæ Jesus Christus, tamquam Patris servus, illi exhibuit.

Quintò. In honorem humilis, & servilis Nativitatis, vitæ, ac præsertim mortis maximè servilis, JESU Christi.

Sextò. In honorem, & unionem horum affectuum, effectuum, & verborum Christi Domini : *Filius hominis non venit ministrari, sed ministrare. & Ego in medio vestrum sum sicut, qui ministrat. & qui major in vobis, fiat sicut minor.*

Sequatur triplex professio nostræ servitutis, erga Christum Dominum. Pri-

Prima Fiat ipsi tribuſto Domino, ut Deo, ut Creatori, ut ſummo Domino, ac nos totos, ac totaliter in eſſe Naturæ, corpus, animam, potentias, & quæcunque ab illis pendunt, aut procedere poſſunt; hoc eſt, actiones, ac paſſiones, & c. ſupremæ ipſius Majestati, divinitati, inſenſitati, & inſinitati offerendo, dedicando, & conſecrando, in ſervitutis illi jure ſuæ Maj: & noſtræ parvitat, debitæ recognitionis. 2. ut Creatori & Auctori noſtro, nos illi⁹ creaturas; ac proinde naturaliter & eſſentialiter ſervos, omnibus, quibus poſſumus, & debemus modis, illi devovendo. 3. Supremo ejus Dominio, Imperio, ac Omnipotentia, quam in nos habet, ut creaturas, & ſervos ſuos, quâ poſſeſt *& animam, & corpus perdere in gehennam, & nos in nihilum redigere*: & nos illi in omnibus, & per omnia ſubjiciendo, ac ſubmittendo.

Secunda Fiat per reſpectum ad ejus bonitatem, & miſericordiam, in toto Eſſe, & ſtatu gratiæ. 1. illum, ut ſontem omnis gratiæ reverendo, & nos illi, ut auctori, & cauſæ omnis noſtræ ſanctificationis, & ſalutis, exhibendo ſervos humillimos. *Nec enim aliud nomen eſt, in quo oporteat nos ſalutos fieri*. 2. illum jure redemptionis, in cruce factæ, Dominum noſtrum agnoſcendo; qui nos ſuo pretioſo ſanguine redemit, ac proinde illi, tamquâ ſervos emptitios, & inſancipia nos, vitam præſentem, & futuram in æternitate, donando. 3. illum,

ut glorificatorem in cœlis, & æternitatis obiectum, & copiosam mercedem, suscipiendo; ac nos illi, secundum esse, & statum æternæ gloriæ, quam speramus, pro nunc, & pro æternitate in servos devovendo.


Tertia Fiat oblatio per intuitum supremi, & superexcellentiſſimi statûs unionis hypostatiæ. ac 1. solemnem erga JESUM Christum, hoc titulo factam, servitutis professionem; quâ Sathanæ, & cunctis pompis ejus abrenuntiantes, nos Christo Domino adhaesuros protestati sumus in Baptismo; & character servitutis indelebili signati fuimus, renovando; & ex toto corde eadē iterū protestando. 2. speciali donatione JESU Christo Deo homini, ejus divinitate subsistenti, viventi, & ineffabiliter operto; illiusque vitæ divinissimæ, & humanitati sacratissimæ totaliter donando, & æternum Anathéma consecrando. 3. petendo suppliciter, ut dignetur JESUS Christus, Dominus & Deus noster, nos in suos servos, & mancipia, suæque humanitatis sanctissimæ, acceptare; nos tales facere, quibus vult modis, quibus dignus est, atque debemus: & hujus servitutis perpetuæ, & irrevocabilis characterem novum, & indelebilem imprimere. O JESU, sim servus tuus, sim hoc vinculo fortiter tibi devinctus. O JESU fac me Regiam servitutem tuam omnibus Mundi Regnis & Imperijs antefere,

re , qui es Rex Regum, & Dominus Dominanti-
um , *cujus Regni non erit finis* : qui es Deus,
& Finis noster, benedictus in sæcula.


Amen.


*Omnia ad majorem D E
Gloriam.*

FINIS.



BIBLIOTHECA
M. MAGELL.
ORACOVENSIS





Biblioteka Jagiellońska



stdr0021412

